

YONE AMBADZIFHELE

 Naa izwo a zwi iti tshiñwe tshithu kha inwi? Zwa vhukuma zwi a ita. Kha ri kotame zwino nga thabelo.

² Murena, vhunga zwo bulwa kha riñe nga ulu luimbo lu funwaho, *U Muhulwane Hani*, huno ri a elekanya, matsheloni ano, naa ro vha ri tshi ðo itani arali ho vha hu si Iwe! Huno zwenezwo musi ri tshi elekanya uri *U muhulwane* nga maända, huno zwenezwo lufuno Lwau lwa *U kombetshedza* uri u vhe wa u ri humbulela, zwenezwo maya wanga u nga kundelwa u zwi dzenisa ngomu. Ndi ngoho. Ndi rabela uri *U ðo ri fhañutshedza* ñamusi, zwino musi ri tshi ya phanda kha tshumelo, uri *U ðo ri ñwatekanyela Vhurotho ha Vhutshilo*, vhune ha vha nzumbululo ya Kristo. Ngauri ri zwi humbela Dzinani la Yesu. Amen.

³ Mukomana Ungren ndi a sa fhidzi u ða kha thaberenakele. Huno u dzula ngei Memphis, Tennessee, ene na mme awe, mufumakadzi wawe. Huno muta woþe u ða thaberenakeleni. Huno a si kanzhi ndi tshi swika kha u mu pfa, ngauri zwi dzulela u vha zwo fareledzeya nga maända, fhedzi matsheloni ano ndo vha ndo diimisela u mu pfa a tshi imba ulu luimbo. *U imba luñwe, luñwe lwa dzine nda dzi takalela, Fhasi U Bva Vhugalani Hawe.* Huno idzo ndi nyimbo dzanga dzi funwaho. Huno ndo vha na tshikhala tshavhuði tsha u ñangana na khotsi awe, matsheloni ano, lwa u tou thoma ndi tshi vha na tshikhala, munna wavhudì. Huno—huno Mukomana Ungren, khotsi awe, na khathihi a nga—a nga si ñuwe musi murwa wawe a tshi kha ði tshila, Morris, ngauri zwa vhukuma vha vhonala vha tshi fana.

⁴ Huno mufumakadzi wawe, mme a Mukomana Morris Ungren, o tshila miñwaha iyi ya fumiñhanu yo fhiraho nga tshilidzi tsha Mudzimu. Zwa vhukumá o vha ñuthuwedzo khulwane kha nñe, u vhona hezwo; a tshi khou fhira kha awara dza swiswi dze a vha khadzo, huno nahoh zwo ralo o farelela kha tshanda tsha Mudzimu tshi sa shanduki. Zwi a ri bvisela khagala vhungoho ha Vhukriste, na lutendo lwa avho vhane vha li tenda. Ngauralo, ndo takalela hezwo nga maända matsheloni ano.

⁵ Ri kha ði tou bva u vha na munyanya, lufherani lwa fhasi. Vhana vhanga vhavhili vho maliwa, nahone ndi vhananga u bva kha thaberenakele; washu Billy Simpson mutuku na musidzana muñuku wa Myers, vho vha vhafunani lwa tshifhinga tshilapfu; Sharol, ee. Vho ralo...Vha do vha vha vha mashaka hafha, kana ene muñuku Sharol Myers o ralo, kha Mukomana Ungren na vhañwe. Ngauralo, ro vha takalela, ndi a vhona uri vho dzhia vhuimo havho, nga murahu ha u mala, vho humela henengei murahu holoni ya tshivhidzo, huno vha dzula fhasi uri vha thetshelese tshumelo. Havho vhana vho dzulela u vha

na fhethu ho dzivhafhalaho mbiluni yanga, ngauri vha ḥonifha nga maanda kha Ipfi. Vha—vha tou funa Ipfi. A thi elekanyi hezwo, zwauri ndi vha vhidza vhana vhanga, a thi humbuli uri vha khwine u fhira vhañwe vhana. Fhedzi vha tou sedza kha nne, huno ndi—ndi—ndi sedza kha Mudzimu u itela vhone.

⁶ Billy muṭuku o vha a tshi khou ṭoda u mala, huno zwenezwo o vha a tshi khou ofha uri u khou ya u ṭuwa a ya mmbini. Huno ho vha hu na vhavhili kana vhararu kha iyo nyimele nthihi. Huno avho vhatukana vha da kha nne, huno vha ri, “Mukomana Branham, a—a ri todii u vha vhabvafhi kana tshiñwe tshithu, fhedzi ri do takalela inwi ni tshi humbela Mudzimu.” Huno vha nnea theo ya uri vha do takalela u ṭutshela kule ha mmbi, arali vha tshi nga kona; hu si ngauri a vho ngo ṭoda u lwela shango, kha tshiñwe na tshiñwe tshe vha kona u ita. Fhedzi tshithu tsho vha tshi, tsha uri arali vho—arali vho ya, vho vha vha tshi khou yo dzhena vhukati ha lushaka lwo khakheaho lwa vhatthu nnnda heneffo kha avho (a thi diyhi uri ni zwi vhidza mini) PX, kana zwenezwo zwine na zwi vhidza zwone, huno zwenezwo vha bvela nnnda heneffo hune avho vhasadzi vha songo fukaho vha tshi khou bvela phanda. Hafho a si fhethu ha mutukana wa Mukriste, huno ngauralo Mudzimu a tendela khumbelo yawe.

⁷ Huno zwino Billy muṭuku u a da matsheloni ano, u malwa nga uyu Sharol muṭuku wavhudzi, ngauralo ro vha takalela. Huno ri vha tamela zwenezwo zwa khwinesa kha Muvhuso wa Mudzimu, u itela vhone.

⁸ Huno zwino itshi tsho vha tshifhinga tshavhudi tshashu. Ri na tshigwada tshavhuḍi tsha tshikolo tsha Swondaha hafha matsheloni ano, tshihidzo tsho dalaho, ngauralo ro takala nga maanda. Huno zwifhinga zwinzhi, vhashumeli, zwi—zwi a ri ṭuṭuwedza u vhona vhatthu vha tshi da nahone vha ni pfa. Ngauri, inwi ni a vhona, a ni takaleli u amba na dzibangga dzi si na tshithu, ngauri vha... Ri do amba zwi fanaho arali hu na muthu muthihi hafha. Fhedzi naho zwo ralo zwi pfala zwi zwavhuḍi musi ni tshi elekanya, “Arali *uyu* muñwe zwa mu pfuka, muñwe u do zwi wana.” Inwi ni a vhona. Huno zwi zwi ita zwo fhambanaho, zwi zwi ita zwa vhugala.

⁹ Huno zwino, kha mivhudzisano zwino, hezwi ndi, arali ri tshi nga gidimela khavho nga u ṭavhanya.

¹⁰ Ndo ṭangana na Mukomana Boutliere musi ndi tshi bva, huno a tho ngo mu vhona u bva tshe nda vha fhano. Nda ri, “U gai?”

A ri, “Vha khou lugisa tshiswiṭulo tshavho.”

Huno ngauralo ndo vha ndi tshi khou mu vhudza uri ndo xedza zwiñwe. A ri, “Inwi?”

Nda ri, “A wo ngo shanduka na zwiṭukuṭuku.”

A ri, “Na inwi a ni athu.”

¹¹ Nda ri, "Izwo ndi zwa vhudipulomati." Nda ri, "Fhedzi, ni a divha, ndi na. Ndo bva kha ya dana na fusumbe, u swika kha ya dana na fuina-thanu, ngauralo ndo shanduka." Swuthu dzanga dzothe, na nne-vho, dzo hulesa zwituku kha nne. Huno muñwe o tou ngwanelā iñwe liñwe duvha, uri ndi kone u i ambara hafha fhasi; iñwe ye ya si nembelele kha mahaña anga, huno khundo dzo hulesa.

¹² Fhedzi ndi—ndi khou lingedza u ita zwanga zwa khwinesa kha Yesu Kristo musi ndi na tshikhala tsha u zwi ita. Huno u da hañu havhudí!

¹³ Ndo vha ndi tshi khou amba lufherani zwa zwino, Ndo vhona Muya Mukhethwa muhulwane u tshi bvisa pfuko kha muvhili wa musadzi, heneffo ngomu. Ndi ene—ndi musadzi a bvaho Texas. Huno mufumakadzi o dzula heneffo, zwauri na khathihi a thi athu vhona muthu we a vha a na mazhuluzhulu lwo engedzeaho, mufumakadzi wa mushumeli, lwa zwifhinganyana zwi si gathi zwo fhiraho. Huno Murena a ntsumbedza bono lawe o dzula heneffo, huno nda mu vhona. O vhidza ngei New York, huno a ḥoda u ḥengeledza hafha nñtha. O vha a na miniti miñanu fhedzi, zwenezwo a vhona munna wawe a tshi khou tambula nga ñwatela, huno ndi mini tsho vhangaho ñwatela ho vha hu dzangalelo lawe kha mufumakadzi wawe. Mudzimu ramaanda, a imisa uña musadzi o dzulaho afho. O dzula, o ntsedza zwino. Ngauralo, nahone ndi ḥodou ni vhudza-vho, mukomana, ñwatela yanu yo fhela. Ni a vhona? Iina, ni khou yo vha na mutakalo zwino huno na humela kha mushumo wa Murena.

¹⁴ Zwino, musi ni tshi vhona tshiñwe tshithu tshire Murena a ita, inwi—inwi ni nga si tou kona u tshi dadza. Ni tou ḥoda u dzulela u bvela phanda, u dzulela u bvela phanda, u dzulela u bvela phanda, u dzulela u bvela phanda.

¹⁵ Huno, zwino, madekwe ro vha na tshumelo khulwane ya thabelo, huno izwo ndi zwavhuđi, izwo zwo luga. Vha tshi vhea zwanda kha vhalwadze, itsho ndi tshithu tshavhudí. Izwo ndi zwothe zwine zwa dzhia, nga tshiñwe tshifhinga. Huno zwenezwo hu na vhañwe vhane ha vha na tshiñwe tshithu murahu hangei, uri vha—vha nga si kone u fara, huno ni tea u wana uyo muthu huno na wanulusa zwine izwo zwa vha zwone. Ni a vhona, hu na tshiñwe tshithu tshi no khou vha thithisa, tshiñwe tshithu tsho dzulaho nñilani. Huno murunzi muñuku u do zwi dzinginisela kule.

¹⁶ Zwino, mufumakadzi muñuku ngomu afho lwa tshikhalañana tsho fhiraho, o vha a na mazhuluzhulu nga maanda, o sinyuwa. Muthu muñuku a ḥungufhadzaho, o vha a sa koni na u fema. O vha a tshi tou, "femeleka, femeleka," huno u tou—tou bvela phanda, ni a vhona.

¹⁷ Zwino, tshithu tshire na tea u ita. Hafha hu tou vha nga ngomu zwituku, ni a vhona. Ndi u fara muya wawe. Ni a vhona?

Huno zwenezwo ni khou bveledza khae muhumbulo muňwe na muňwe waňu. Ni a vhona? Huno ni shandukisa kuhumbulele kwaňu. Ni a vhona? Zwenezwo musi zwi tshi ita izwo, zwenezwo ni nga mu sumba kha Kristo, huno u bva henefho a nga bvela phanda. Fhedzi ni tea u shandukisa ndila yawe ya u humbula, ni a vhona. A nga si kone u u shandukisa ene mune. U tou dzunguluwa kha tshidumbumukwe, huno ni tea u topola hezwo. Zwino hu na tshiňwe tshithu tshiňuku tshine tsha ni nea zwiňwe . . . Ni songo lingedza u tshi guda; ni songo zwi ita. Itonu tshi tenda huno ni bvele phanda.

¹⁸ Ulwo lushie lučuku lwo vha lu tshi nga kona hani, lwo edela hangei kha izwo zwanda zwa vhomme, lwo fa u bva nga awara ya tahe ntha ha tshithoma matsheloni ayo, huno u tou vha vhusiku nga maanda uvho vhusiku, naa uyo myua mučuku wo vha u ngafhi? Inwi ni tea u ya na wana uyo myua huno na u vhuisa murahu. Huno zwenezwo musi ni tshi u vhona u tshi vhuya murahu, zwenezwo ni nga takuwa nga Dzina la Murena na u vhidza. Ni a vhona, zwenezwo zwi do bvelela. Fhedzi u swika ni tshi ita izwo, ni khou tou tambisa mufemo waňu, ni a vhona.

¹⁹ A si tshithu—a hu na tshi mangadzaho nga maanda. Ndi u wana Mudzimu, u dibvisa nnda ha ndila na u tendela Muya Mukhethwa u tshi ni shumisa kha tshiňwe na tshiňwe tshine A ḥoda. Ndi zwone. Tshithu tshihulwane, tsha tshifhiwa tshiňwe na tshiňwe, tshi khou bvisela mihumbulo yaňu kule, huno tsha tendela Kristo. Zwenezwo tshiňwe na tshiňwe tshe La amba, arali ni tshi ḥoda u ḥivha uri kana ndi Kristo kana hai . . . U tou vha lupfiwa fhedzi, lu litsheni lu lwothe. Fhedzi arali zwi tshi tou vha tshipfi, litshani hezwo zwo ralo. Fhedzi arali zwo ḥwaliwa kha Ipfi, zwenezwo ndi Mudzimu. Tshifhinga tshothe hačulani tshiňwe na tshiňwe, tshine muňwe myua-vho wa ni vhudza tshone, nga Ipfi. Ipfi, ni songo vhuya na ḥutshela kule ha iilo Ipfi; arali na ralo, no xela.

²⁰ Zwino, phanda ha musi ri tshi dzula u swika tshifhinga tsha masiari, ri tshi khou tou amba sa izwo, kha ri vule Bivhili huno ri vhale maňwe Maňwalo hafha. Huno zwenezwo ri khou ya u . . . ndi a funa Ipfi la Mudzimu. Ndi a zwi ḥivha uri rothe ri a ralo. Zwino a ro ngo vha na . . .

²¹ Ndo vha ndi tshi khou yo rera, matsheloni ano, kana u amba, vha funza tshikolo tsha Swondaha, nga zwiphiri zwo dzumbamaho zwa Mudzimu u bva tshe shango la sikwa, zwi tshi dzumbululwa kha Yesu Kristo. Huno a tho ngo wana tshikhala tsha u zwi bvisela nnda zwothe. Ndo hangwa nga ha u da ha munyanya, ngauralo khamusi ndi—ndi wana uri tshifhinga tshi tevhelaho tshi khou da.

²² Zwino ndi khou ya u vhala dziňwe fhethu huraru kha Bivhili. Ha u thoma, ndi ḥoda u vhala u bva kha Vhafilipi 1. Ndima ya

vhu1 ya Vhafilipi, ri tshi thoma nga ndimana ya vhu19, nahone ri tshi vhala hafhu kha ya vhu22.

Ngauri ndi a divha uri hezwi zwi do shandukela kha u tshidzwa hanga nga thabelo yanu, na ndisedzo ya Muya wa Yesu Kristo,

U ya nga ndavhelelo dzanga dza ngoho na fulufhelo langa, uri a hu na tshire nda do shona, fhedzi izwo ndi na tshivhindi tshothe, sa nga misi, ngauralo zwino na Kristo u do vhonadzwa kha muvhili wanga, kana zwi vha nga vhutshilo, kana nga lufu.

Ngauri kha nne u tshila ndi Kristo, na u fa ndi u bindula.

Fhedzi arali nda tshila ñamani, hoyu ndi mutshelo wa u dinetisa hanga: fhedzi zwine nda... nanga uri a thi na.

²³ Zwino nga hangei kha Bugu ya Vharoma. Huno ri khou ḥoda u thoma kha ndima ya vhu8 ya Vharoma, na ndimana ya vhu35, u fhaṭa zwine nda khou ḥoda u itela linwalwa.

Naa ndi nnyi a no do ri fhandekanya na lufuno lwa Kristo? naa a nga vha matshupho, kana mutsiko,... u tovholwa,... gomelelo, kana vhufhedzi,... khombo,... pfumo?

Vhunga zwo ñwaliwa, U itela nne ri a vhulawa hothe... duvha lothe; ri dzhiwa sa nngu vhuthavheloni.

Hai, kha hezwi zwithu zwethe ri fhira vhakundi nga khae we a ri funa.

Ngauri ndi a kholwa, uri na lufu a lu ralo, kana vhutshilo, kana murunwa, kana mivhuso, kana maanda, kana zwithu zwa tshino tshifhinga, kana zwithu zwi ḥaho, kana...

Kana vhulapfu,... vhuphara, kana tshiñwe-vho tshivhumbwa, do kona u ri fhandekanya na lufuno lwa Mudzimu, lune lwa vha kha Kristo Yesu Murena washu.

²⁴ Kha Mishumo 2, na ndimana ya vhu30:

Ngauralo nga u vha muporofita, na u divha uri Mudzimu o ana nga muano khae, uri nga mutshelo wa khundu dzawe, u ya nga ñama, o vha a tshi do vusa Kristo uri a dzule kha khuluñoni yawe;

²⁵ Zwino ulu ndi Luñwalo lunzhi, hu nga u ya bva fhethu u ya kha huñwe, Bivhilini. Fhedzi ri a zwi divha hezwo, arali ulu Luñwalo lwo no vhalwa, ri khou yo waña tshiñwe tshithu ngomu Heneffo tshi no khou yo—yo u ri thusa. Zwino ngavhe Mudzimu a tshi ri thusa zwino, vhunga ndi tshi do takalela u dzhia iyi ḥoho, matsheloni ano, sa ipfi ḥa ambadzifhele: *Yone Ambadzifhele.*

²⁶ Zwino riñe, musi ndo vha ndi tshi khou sedza ili linwalwa, nda ya kha thalusamaipfi. Nda elekanya, “Mini? Muñwe u dzulela u ri, ‘Iyo ndi ambadzifhele, ngoho. Ambadzifhele, iyi ndi yone.’” Nda elekanya, “Naa ilo ipfi ndi mini? Naa zwi amba mini, *ambadzifhele?*” Huno nda ya kha thalusamaipfi u wanulusa zwe zwa vha zwi tshi khou amba zwone.

²⁷ Webster u ri tsho “khunyelela kha tshone tshiñe, tshi sa pimei kha maanda atsho, tshine tsha tou vha magumo.” Ni a vhona, “u sa pimei kha maanda alo, lo khunyelela nga lone line, huno zwa vhukuma ndi tsha u fhedza,” ipfi *ambadzifhele*.

²⁸ Huno ndi do takalela u amba hezwi, nahone nda fulufhela uri ni do pfesesa haya maipfi, ngauri a thi mufunzi o pfumbudzwaho nga ndila ine, na nga ndila ya muhumbulo ya u disa tshiñwe tshithu tshi nyanyulaho tshire tsha do fara vhathu. Tshithu tshi tshothe tshire nda ita, ndi u lingedza u ita zwa khwiñe zwine nda kona, nga nthani ha khonani dze Kristo a nneya, huno ndi—ndi—ndi ḥoda vhone vha tshi vhona zwine muhumbulo wanga wa vha zwone nga ha Kristo.

²⁹ Zwino, vhukoni vhuiwe na vhuñwe vhuhulwane ho hungelelwa kha ambadzifhele. Ni nga si kone u tshimbidza vhutshilo ni si na ambadzifhele. Inwi ni nga si kone u ita vhukoni ha uri vhu vhe ambadzifhele, ngauri ndi fhethu ha u fhedza ha tshivhofhekanyi. Ndi yone—yone mbofho magumoni a lwendo. Ndi fhethu hune no vhofhiwa na tshiñwe tshithu.

³⁰ Nga duvha line ra khou tshila khañlo zwino, huno tshiñwe na tshiñwe tshi khou kwashekana, tsho tshinyala nahone tsha hwalea, Ndi elekanya uri uyu Mulaedza u do vha tshithu tsho teaho nga maanda, nga maanda kha Vhakriste musi vha tshi khou fhira madini avho o tsaho zwino. Tshivhidzo tsha Vhakriste tshi khou fhira nga kha madi o tsaho e tsha vha nao lwa minwaha ya zwigidi zwivhili zwa u fhedzisela. Ngauri, ri khou swika fhethu hune ha vha na tshiñwe tshithu tsho kumedzwaho Vhukriste, tshiñwe tshithu tshire vha tea u dzhia tsheo khatsho, huno ndi elekanya uri tshivhidzo tsha Tshikriste tshi tea u vha na tshiñwe tshithu tshire vha zwi divha uri vho tumana na mini, madzulo a u sokou elela sa ḥari kha madi, wone maya. Vhunga Bivhili yo ri, “U hwalwa nga maya muñwe na muñwe wa pfunzo.” Mimuya ya da huno ya vhudzula ḥari lituku nga *heyi* ndila, huno zwenezwo muñwe maya wa da, maya wa devhula, maya wa tshipembe, maya wa vhubvađuvha, maya wa vhukovhela. Ni nga si swike huñwe fhethu, a no ngo dzika. Vhutshilo ha Tshikriste vhu tea u vha vhutshilo ho dzikaho. Hu tea u vha tshiñwe tshithu tshi re—tshire tsha vha mulayo wa uri—wa uri no vhofhelelwa khatsho, itsho ndi tsho engedzeaho u fhira vhutshilo hone huñe.

³¹ Huno ni fanela u vha na tshiñwe tshithu tshe na vhofhelelwa khatsho. Vhañwe vhathu vho vhoxwa kha bindu ḥavho. Vhañwe

vho hungelelwa miyanani yavho. Vhañwe vho hungelelwa kha ndaela. Vhañwe vho hungelelwa kha pala ya mmbi. Ri na zwithu two fhambanaho zwe ra vhofhelelwa khazwo. Fhedzi ndi a elekanya, sa Mukriste, ri tea u vha vho vhoxwaho hune ra divha uri ho luga, ni a vhona. Ngauri, ni nga di vha no vhofhelelwa kha muña wañu, huno mufumakadzi wañu—wañu a nga kona u ni tutshela. Ni nga di vha no vhofhelelwa kha mmbi, huno ni nga vhulawa. Huno ni nga di vha no vhofhelelwa kha zwithu two fhambanaho, nahone zwi na magumo. Fhedzi hu tea u vha na tshivhofhekanyi tsha u fhedza. Hu tea u vha na huñwe fhethu hune—hune muthu a teya u hu ñuma kha vhuyyo hawe ha U Ya Nga Hu Sa Pheli. Ngauri, arali ni tshi khou yo zwi fulufhela mushumoni wañu, musi mushumo wañu wo no fhela, two fhela. Musi muña wañu u tshi dzhiwa, two fhela.

³² Fhedzi hu na tshithu tshithihi tshire nda elekanya uri ndi fhethu ha u fhedzisela ha u vhofhekanywa. Huno ndi a tenda uri Paulo o vha e na pala ya mbofho vhutshiloni hawe fhano. Huno ndi do takalela u—u ya thungo, arali ri tshi nga zwi vhidza nga iyo ndila, nahone ra amba nga ha iyo pala ya tshivhofhekanyi. A ri, “Uri nne ndi tshile ndi Kristo, huno u fa ndi mbuelo.” Zwino, Kristo o vha e Ambadzifhele ya Paulo. O vha e phuphu yawe ya u vhofhelelwa khayo. Ho vha hu yawe... Ho vha hu magumo a dzikhanezano dzothe. Ho vha hu Kristo, we a vha e pala yawe ya mbofho.

³³ Paulo o vha a si na iyo pala ya mbofho tshifhinga tshothe. O vha a tshi anzela u vhofhelelwa kha tshigwada tsha Vhafarisei. Huno o do tea u pfumbudzwa na u funzea, uri vha kone u mu ñanganedza nahone vha mu tendela a divhofhekanye nga pala yavho. Fhedzi ñinwe duvha o vha e ndilani ya u tsela Damaseko, huno a ñanganana na Yesu, vho livhanya zwifhañuwo. Huno u bva heneñho a di vhofholola u bva kha pala ya mbofho yawe ya Mufarisei; huno a divhofha hafhu, uri Yesu We a mu ñivha o vhambiwa, o fa, huno a vuwa hafhu. Paulo o zwi ñivha ngauri o ñanganana na Muthu. Izwo two mu shandukisa heneñho. O vha a sa tsha fana u bva zwenezwo u ya phanda. Na khathihi ho ngo tou ñanganana na bugu. Na khathihi ho ngo tou ñanganana na nda—ndaela. O ñanganana na Muthu, Yesu Kristo. “Iwe u nnyi, Murena?”

A ri, “Ndi nne Yesu.”

³⁴ Kha ri elekanye nga ha iyo thembuluwo, lwa tshifhinganyana. Ndi tenda uri Paulo o vha e munna wa vhungoho. Ngauri itshi ndi tshikolo tsha Swondaha, ri ñoda u tshi funza vhunga tshikolo tsha Swondaha. Paulo, ndi a tenda, o vha e munna wa ngoho-ngoho, a fulufhedzeaho, huno ho vha hu na—ho vha hu si na tshithu nga hae tshe tsha vha tshi tshiñwe-vho tsho fhambanaho na muñwe-vho.

³⁵ Avho vhaporofita vhothe vho vha vhe vhanna u tou fana na riñe ro ralo. Bivhili yo ralo. Yakobo Mukhethwa 5, “Eliya o vha e

munna a no tea u fana na zwine ra vha zwone,” o vha a na hawe ha vhudi na hu si ha vhudi, ha khwine na hu si khwine, “huno o rabela o difunga uri i sa ne.”

³⁶ Huno Paulo o vha e lushaka lwonolwo luthihi lwa munna vhunga rine. O vha e na u dinalea hawe, thimo-thimo yawe. Huno o vha e munna a fulufhedzeaho. O vha a tshi khou ya kha tshiñwe tsha vhurereli havhudisa he ha vha vhu hone shangoni. Huno o vha a tshi khou vha mudededzi wa itsho tshigwada; o funzwa phasi ha mudededzi muhulwane, Gamaliele, we a vha e muñwe wa vhadededzi vhahulwanesa vhe vha vha vhe navho vha ilo duvha. Vhabebi vhaweho zwi vhona, vha zwi vhona uri ho vha hu na tshiñwe tshithu vhutshiloni ha Paulo, huno a shuma nga maanda u mu isa tshikoloni, uri a kone u funzwa kha milayo yothe ya Mudzimu. Huno, nga vhufulufhedzei ha ngoho-ngoho, o tenda ipfi linwe na linwe lalo.

³⁷ Huno o vha o no pfa nga ha ulu lushaka lwa kilasi ya phasi ya vhathu, na uri ho vha hu na muporofita hani, vha no sokou vhidzwa, nga tshigwada Tshawe, vhe vha vuwa Galilea, vhe vha tea u ita madembe nahone vha fhodza vhalwadze. Fhedzi vhaweho—vhaweho vhane a wela khavho vha nga si tanganedze hoyu Muthu wa u vha muporofita, hoyu Yesu wa Nazaretha, ngauri O vha a songo Diyalusa navho. Ngauralo Paulo o vha a nga si zwi ite, ngauri tshigwada tsha—tsha vhathu vhaweho a tsho ngo Zwi tenda. Huno vho mu tsivhudza nga hazwo.

³⁸ Huno Paulo, nga u fulufhedzea, o elekanya, “Arali itshi tshithu tshi si tsha Mudzimu, huno tshihidzo tshanga tshi ri a si tsha Mudzimu, zwenezwo hu na tshithu tshithihi fhedzi tshi no tea u itwa, ndi u tshi sunda.” A ri, “Tshi bviseni ndilani, ngauri ndi... zwi do vha tshikhukhuliso, zwi do vha tshibvo, yone pfuko,” u hanedzana kutendele kwawe. Ngauralo o difhudza mbiluni yawe uri u do ya nnnda a tumula heyi “tshizwimbo,” vhunga o tshi vhidza, kana tshihidzo tshawe tsho zwi vhidza, kule na tshigwada tshawe tshavhuudi tsha Mufarisei.

³⁹ Linwe duvha, na marifhi tshikwamani tshawe, u bva kha tshifhe muhulu, u fara avho vhathu vhothe vhe vha vha vhe kha iyo nyimele, ngauri uyo ho vha hu tshi do vha hu ndaelo ye Paulo a vhewa khawo. O vha a ndilani yawe ya u tsa phasi doroboni i no pfi Damaseko. Vho vha vho vha fhumudza, u mona na Yerusalem. Ngauralo o vha e na—o vha o kanda Stefano, huno Paulo o mu kandisa nga matombo, a nea vhuhanzi nahone a fara badzhi. Zwino u do tsela phasi hafha huno a ita zwenezwo zwithihi, huno a sunda itshi tshikhakhisi tshihulwane.

⁴⁰ Fhedzi nga ha, hu fanela u vha ho vha tshifhinga tsha masiari, tshi no todou swika awara ya fuminthihi, awara ya fumimbili nthia ha tshithoma, a wiselwa phasi. Huno musi o ita, a sedza nthia huno ho vha hu na Tshedza tsho imaho phanda hawe. Huno Ipfli li tshi bva kha itshi Tshedza, li tshi ri, “Saulo,

Saulo,” mbudziso, “ndi ngani u tshi Ntovhola?” Zwino Paulo o zwi ɖivha, kana Saulo, kha ndi ralo, a zwi ɖivha uri vhathu vha hawe vho vha a tshi khou tevhela Tshedza tshithihi u bva tshe vha bva Egipita. Huno arali . . .

⁴¹ No vhuya na vhona thalutshedzo ya Lamsa ya Bivhili, tsha kale . . . Tshi—tshiga tsha kale tsha Tshihevheru tsha—tsha Mudzimu ndi Tshedza tsha khuda tharu; tsho engedzeaho kana tshiṭuku, tshiñwe tshithu tsha *u ralo*, uri zwitalulu zwiraru zwa Mudzimu, kha Vhumudzimu vhuthihi. Huno itshi Tshedza tsha khuda tharu, zwiraru kha Muthihi, e Mudzimu muthihi, o vha e tshi—tshiga kha Muheberu, tsha Mudzimu, Tshedza.

⁴² Huno zwenezwo musi Mushe a tshi ḥangana Nae ngei tshiṭakani, zwenezwo A ri, “NDI NNE,” ane a dzula a a fanaho, vhararu; mulovha, ɿamusi, na lini na lini, u kha di vha Mudzimu a sa shanduki. Huno Mushe a ḥangana Nae tshiṭakani tshi dugaho. O vha e Tshedza. Huno musi A tshi bvisa vhana vha Isiraele sogani, O vha e Muruhwa wa mulanga, uri Mushe nga lutendo o vhona, huno a ḥutshela Egipita, a dzhieila n̩ha u nyadziwa ha Kristo hu lupfumo luhulwane u fhira ulwo lwa Egipita. Nga lutendo, Mushe o vhona uri uyo o vha e Kristo, Ndodzo. Huno Ndodzo yo vha i si kha muñwe munna, fhedzi Yo vha i nga tshivhumbeo tsha Khavhu ya Mulilo. Ni a vhona?

⁴³ Huno zwenezwo yeneyo Ndodzo nthihi ya tsela fhasi kha ndovhedzo Yawe, huno ya dzhena kha Kristo nahone ya dzula Khae. Yohane o zwi ɖivha uri ho vha hu Ene. A ri, “Kha Uyo ane iwe wa do vhona Muya we wa vha bvisa Egipita u ya sogani, huno u bva phangani u ya kha shango lo fulufhedziswaho, khae Uyo ane na do vhona itshi tshivhumbeo tsha khuda tsharu tsha Mudzimu tshi tshi tsela fhasi huno tsha dzula, ndi Ene ane A do ni lovhedza nga Muya Mukhethwa na Mulilo.”

⁴⁴ Zwino Paulo o vha a sa athu u tondwa kha u vhona hezwi. Fhedzi u tou zwi ita zwa ngoho, kha inwi, Vhayuda vho vha vho dzivhiswa nga maanda u gwadama phanda ha tshifanyisamudzimu, kana tshiñwe tshithu tsho raloh! Zwino musi a tshi vhona hetshi Tshedza tshihulwane, o zwi ɖivha uri ho vha hu Murena. *Murena* zwi amba “vhulangi, ndango ya.” O—o vha a tshi do vha a songo vhidza tshiñwe tshithu fhedzi “Murena,” uyo Muheberu o khwaṭhaho, musi o ɖivha uri Uyo wo vha u Muya. Fhedzi dzhielani nzhele, o ɖivha uri yeneyo Khavhu ya Mulilo nthihi yo vha Yone ye ya ranga phanda vhathu vhawé. Huno zwenezwo u a vhuya murahu huno a ri, “Murena, U Nnyi? Ndi iwe Nnyi? Ndi todou ɖivha uri U Nnyi. Wo ḥangana na Mushe nga dzina la ‘NDI NNE.’” Fhedzi ndi do ima henefho na ngelekanyo dzavho, lwa miniti.

⁴⁵ Yesu, musi O vha e kha lifhasi, o doliswa nga Izwo zwe vha zwi vhona, dzhielani nzhele, O ri, “Ndi bva ha Mudzimu,” wone Muya, tshone Tshedza, yone Khavhu ya Mulilo, “huno ndi

humela ha Mudzimu." Huno O itwa ñama uri a kone u fela zwivhi zwashu. Zwenezwo nga murahu ha lufu Lwawe, mbulungo, mvuwo, na u takulelwa nt̄ha, nga murahu ha musi O gonya; nga maðuvha a fuiña, A gonya nt̄ha; huno nga duvha la vhufuthanu, A vhuya murahu nga tshivhumbeo tsha Khavhu ya Mulilo, vhukati ha vhathu, huno a Difhandekanya, vhunga dzindimi dza mulilo, nahone a dzula kha muñwe na muñwe wavho. Huno zwenezwo vhoþe vha dadzwa nga Muya Mukhethwa, huno vha thoma u amba nga dzinwe ndimi, vhunga Muya wo vha nea u bula.

⁴⁶ Ni a vhona, Mudzimu a tshi khou Difhandekanya; Mudzimu u thoma nga Khavhu ya Mulilo khulwane; Mudzimu o vphonadzwaho muvhilini wa muthu; zwino Mudzimu a tshi khou Difhandekanya vhukati ha vhathu Vhawe. Yone Khavhu ya Mulilo i tshi difhandekana, huno ya dzula kha muñwe na muñwe wavho u fana na ndimi dza mililo, ndimi dzi tshi dzula khavho, þase dza mulilo, ndimi dzi ngaho mulilo dzo dzula kha muñwe na muñwe wavho. Huno vhoþe vha dadzwa nga Izwo, nahone vha thoma u amba nga dzindimi, vhunga Muya wo vha neya maipfi.

⁴⁷ Zwino, ni a vhona, a ri vhathu vho khethwaho, ri tea u vha kha vhuthihi, ngauri muñwe na muñwe washu o fara tshipiða tsha Mudzimu. Huno ri fanela u ða fhethu huthihi, huno zwenezwo Khavhu ya Mulilo i vphonadzwaho nga mutumbu, nga vhuðalo Hayo; musi Tshivhidzo Tshawe tshi tshi dzula fhethu huthihi kha mafhethu a Tadulu, zwenezwo vhuðalo ha maanda a Mudzimu vhu kha Tshivhidzo Tshawe. Muñwe na muñwe washu o fara zwifhiwa zwa maya na zwidulo zwa tshimuya, zwi tshi ða fhethu huthihi, zwi ðisa iyo Khavhu ya Mulilo murahu hafhu.

⁴⁸ Huno Paulo a limuwa uri ndi ene Murena, nahone a ri, "Murena, U Nnyi, arali ndi tshi khou U tovhola?"

⁴⁹ A ri, "Ndi nñe Yesu, huno zwi a u konðela u raha mipfa."

⁵⁰ Huno Paulo o laiwa uri a takuve nahone a tsele fhasi tshitaraðani tshi vhidzwaho, "Tswititi." Huno ho vha hu na muporofita heneffo we a ða, nga dzina Ananiasi, huno a vhona bono, huno a mu lovhedza. Huno a tsela fhasi Arabia, lwa miñwaha miraru, u guda Mañwalo, u vhona nga ha zwe iyi Khavhu ya Mulilo ya vha i zwone ye ya bvelela khae.

⁵¹ Zwino ri wana uri Paulo, vhutshilo hawe hoþe, o vha na izwo u itela pala ya mbopho. O þangana na Mudzimu, vho livhana zwifhaðuwo, huno vha newa ndaela nga Mudzimu. Ndi fhethu ha u vhofhelelwa-de nandi! Ndi ambadzifhele-de nandi! Hezwo ho vha hu magumo a khani dzoþhe. Hezwo ho vha hu magumo a tshiñwe na tshiñwe kha Paulo. U kakarika hoþe, tshiñwe na tshiñwe tsho vha tsho þuwa. A thi londi zwe Vhafarisei vha amba, Vhasadukei vho amba, kana nnyi na nnyi-vho; o þangana na Mudzimu o khwaðhiszedzwaho nga Ipfi, izwo zwe li ladza! Uvho

ho vha vhu vhutshilo hawe hothe. Ngauri o vhona Mudzimu a tshi vhonadzwa, huno o sumbedzwa khae uri O vha e Mudzimu, nga Ipfi, huno nga tshivhumbeo na mbonalo ye A vha e khayo, na nga Ipfi li pfalaho le la amba nae kokotolo zwe zwa vha zwi zwone. Zwino, itsho tsho vha tshi tshithu tshihulwane. A zwi mangadzi o kona u ri, phanda ha—ha Agrippa, “Ndo vha ndi si a sa thetshelesiho kha bono la Tađulu.” O vha o hungelelwa khazwo. Ho vha hu na tshiñwe tshithu tsha vhukuma, tshiñwe tshithu tshe a tshi ñivha, tshiñwe tshithu tshine ha sa vhe na muthu we a kona u tshi ñuwisa khae.

⁵² Zwino, ñamusi, arali ri tshi khou fulufhela fhedzi kha pfunzo, kana ndila ya vhu—mekhanikhe ya—ya pfunzo u ḥalutshedza Bivhili, zwenezwo ro i wana fhedzi kha mu—muhibumbulo. Fhedzi a hu na muthu a re na pfanelo murahu ha iyi phuluphithi, u rera Mafhungo-maqifha, nn̄dani ha musi o da o livhana zwifhañtuwo Nalo.

⁵³ Vhunga Mushe, murahu ha phanga, a hu londwi uri o vha o funzea zwavhuđi hani, tshinwe na tshiñwe tsho iteaho; nyofho dzawe na u hanganea zwo ñuwa ngauri o ima kha mavu makhethwa na Mudzimu, zwine ho vha hu si na muthu we a vha a tshi nga zwi bvisa khae.

⁵⁴ Huno munna muñwe na muñwe kana musadzi a re na tshenzhemo na Mudzimu, o ḥangana na iyi Khavhu ya Mulilo yeneyo nthihi kha mavu makhethwa a mbilu yanu. “A hu na mudivhatheolodzhi, a hu na diabolo, a hu na tshithu,” Paulo o ri, “a hu na tshi re hone, a hu na tshi daho, lufu, vhulwadze, vhuñtungu, vhu nga ri fhandekanya na ulwo lufuno lwa Mudzimu, lu re kha Kristo Yesu.” Ndi fhethu ha u hu vhofha. Ni a ñivha uri tshiñwe tshithu tsho bvelela. A hu londwi uri saints i vusa zwingafhani huno ya amba *itshi, itsho*, kana *tshiñwe*, no vhoxwa. Inwi na Mudzimu ni vha vhathihhi. U kha inwi, huno ni Khae. “Nga ilo duvha ni do ñivha uri Nñe ndi kha Khotsi, Khotsi kha Nñe; Nñe kha inwi, na inwi kha Nñe.” No vhofhelelwa Khae.

⁵⁵ Huno Paulo o vha e na vhu—vhutshilo ho gimaho kha Kristo. Ho vha hu vhutshilo ho fhambanaho u fhira he a vhuya a vha naho. O vhuya a vha na muhibumbulo wa pfunzo; fhedzi zwino u na vhutshilo ho gimaho kha Kristo, ambadzifhele. A hu londwi uri Agrippa we a vha a tshi nga ri, “Inwi, no ḥangana ḥohoho, Paulo. No xedza muhibumbulo wañu. Inwi, no guda lwo kalulaho.”

A ri, “A thi pengi.”

⁵⁶ Huno zwenezwo a ya kha Agrippa, nga ndila yo raloho u swika a tshi ri, “Iwe kañukuñuku wo nkwegweledza uri ndi vhe Mukriste.”

⁵⁷ A ri, “Ndi tama no vha ni ene, fhedzi nga nn̄dani ha... vhunga nñe ndo ralo, fhedzi idzi bondo.”

⁵⁸ Zwi ni ita uri ni ite zwithu, musi ni tshi wana vhutshilo vhu re kha Kristo vhunga he Paulo a vha naho, nga ndowelo

no vha ni si nga iti. Zwino sedzani. Nga lwa misi, uyo munna o pfumbudzwaho kha one—one Mañwalo na zwithu, nga mvelo o vha a tshi do vha o tevhela uyo muduba we a pfumbudzwa khawo. Fhedzi musi a tshi vha . . . huno a ita Kristo ambadzifhele yawe, Tsha u fhedza tshawe, zwenezwo ho vha hu na vhutshilo ho fhambanaho. O ita zwo fhambanaho. O ita zwithu nga ndila i pengaho, kha zwe a vhuya a pfumbudzwa u zwi ita. Huno zwi do ita zwenezwo zwithihi.

⁵⁹ Arali tshivhidzo tshi tshi do ḥutshela kule ha iyo Khoro ya Zwivhidzo, huno tsha vhuya murahu huno tsha ita Ipfi la la Mudzimu ambadzifhele yavho, vha ita Ipfi la Mudzimu tshivhofhekanyi tshavho, hezwo zwi do zwi ita. Fhedzi vha khou vhofha kha u swikelela ho itwaho nga muthu. Huno hu tea u wa. Zwo luga, Bivhili yo ri vha do zwi ita. Fhedzi hu khou yo vha na Muselwa o nangiwaho u bva tshee shango la tehwa, ane a khou ya u hungwa kha uyo muhongo.

⁶⁰ Ndi a kona u vhona U Ya Nga Hu Sa Fheli hu tshi bvelela, ha tsela phasi kha tshifhinga, u bva tsha Edeni. Huno, musi Ho ita, ha da mutalo wa Malofha, ndilani yothe u ya nthia kha Khalivari; huno u bva Khalivari, u vhofhiwa na uyu mutalo, huno zwa ya kha tshivhofhekanyi, Yesu. Huno linwe ḥuvha musi A tshi da u vhila vha re Vhawe, muñwe na muñwe o vhofhelelwaho kha itsho tsha ambadzifhele u do takulelwa nthia ngomu ha U Ya Nga Hu Sa Fheli. Ndi ngani? Vho vha kha u ya nga Hu Sa Fheli tshifhinga tshothe. Vho tiwa kha u ya nga Hu Sa Fheli. Vha tshipida tsha Mudzimu. Vho vha vhe kha ngelekanyo Yawe u rangani. Huno musi iyo thambo khulu i tshi kokodzwa, ya lutsinga lwa Malofha, ulwo Luswayo lwe nda vha ndi tshi khou amba nga halwo, musi lu tshi bva kha lifhasi, muñwe na muñwe we a katelwa kha ayo Malofha u do wiselwa nthia henehfo kha U Ya Nga Hu Sa Fheli hafhu. Fhedzi ndila i yothe ine zwa do vha ngayo, i do vhofhelelwaho kha iyo Ambadzifhele, Yesu Kristo. Ndi ambadzifhele! Hu si u swikelela ha muthu; fhedzi Mudzimu o Mu vusa vhafuni, huno ndi Ambadzifhele. Huno ri a zwi ḥivha uri U a tshila, ngauri hafha U na riñe nga Maanda a mvuwo Yawe, a tshi khou ita zwenezwo zwithihi zwe A ita musi O vha e fhano kha lifhasi.

⁶¹ Ndo vhofhelelwaho kha iyo Ambadzifhele. Ayo ndi magumo a mufhirifhiri wothe. Ndo vhofhelelwaho khazwo. Uvho ndi vhutshilo hanga. Ndo vha ndi muitazwivhi musi Kristo a tshi ntshidza. Nda tangana na Tshiñwe tshithu. Huno u bva tshe Tsha da kha nne, zwo—zwo vha zwo fhambanaho. Huno ndo hungelelwa, tshiñwe na tshiñwe tshire nda vha tshore tsho hungelelwa henehafho. Huno zwenezwo Mudzimu a tshi khou fhandekanya vhutshilo Hawe, huno a ntendela u tshila ngomu Hawe, nahone Ene kha nne, zwenezwo ro vhoxwa. Ndi . . .

⁶² A zwi iti phambano zwine vhañwe vha ḥoda u tenda. Kha muthu, no vhofhelelwaho kha Hezwo. Itsho ndi ambadzifhele yanu.

Ilo ndi...ilo ndi ipfi la u fhedzisela. Huno zwenezwo arali E Ipfi, zwenezwo *Il'i* li fanela u vha ipfi la u fhedza. Hezwi zwi tea u li ladza. Tshiñwe na tshiñwe tshire Tsha amba, Ndi ila harane tswuku. Uyo ndi Kristo. Huno tshiñwe na tshiñwe tsho fhambanaho na Izwo, a thi divhi tshithu nga hazwo. Izwo ndi zwine ra ḥoda u divha, ndi zwine ili Ipfi la amba; ngauri ndo vhofhelelwa kha Kristo, huno Kristo ndi Ipfi. Ni a zwi wana zwino?

⁶³ Huno tshipida tsha Ipfi Lawe le la kovhelelwa lino duvha, Muya Mukhethwa Wawe u fhano u vhonadza itsho tshipida tsha Ipfi.

⁶⁴ U tou fana na zwe zwa vha zwi zwone ngei murahu kha mabebo Awe. Yesaya 9:6. Hothe phasi kha Mañwalo, tshiñwe na tshiñwe tshe tsha ambiwa nga Hae, tsho vuledzwa. Hangei kha Bugu ya Luka, ri ri ndi...ri a zwi vhone hezwo. Huno O vha e magumo, O vha e—O vha e magumo a vhuporofita, na ene-vo, nga Hae. O khunyeledza hezwo, divhazwakale, dzinyimbo, tshiñwe na tshiñwe kha Testamente Ndala, tshe tsha amba nga Hae, zwo khunyelela heneffo. Izwo zwi vha ambadzifhele. Izwo zwi vha tshivhofhekanyi tsha Ipfi la Mudzimu la itsho tshikhathi.

⁶⁵ Huno vhatu vho bebwaho hafhu vha vhukuma vha tshino tshikhathi, zwine zwo dadziwa nga Muya Mukhethwa, ndi tshivhofhekanyi tsha holwu Luñwalo lune lwa khou ya u vuledzea nga maduvha a u fhedza. Ndi vhone vha u fhedza. Ndi tsha u fhedza tsha Mudzimu, ngauri ndi Ipfi Lawe; huno Ipfi ndi Kristo, tshivhofhekanyi. A hu na ndila ya u zwi shavha. Tshiñwe tshithu tshire tsha ni fara.

⁶⁶ Vhunga ndo amba, zwi ni ita uri ni ite zwithu zwine nga ndowelo na vha ni si nga zwi iti. Zwo ita Paulo zwine nga mvelo o vha a nga si zwi ite. Zwo ita Mushe uri a ite zwithu zwine nga mvelo o vha a nga si zwi ite. Zwi ita munna muñwe na muñwe na musadzi uri a ite zwithu zwine vha sa do zwi ita lwa misi. Ndi tshiñwe tshithu tshire—tshire no gimiwa khatsho. Ndi tshiñwe tshithu, ndi tshidzudzanyi tshañu. Zwi tou fana na...

⁶⁷ Ndi ngimisi kha tshikepe. Gungwa lo gimiwa kha pala, nga tshifhinga tsha dumbu. Huno arali Kristo e Ambadzifhele yanu, no vhofhelelwa Khae. Nga tshifhinga tsha matungu, tshone tshikepe, arali na tshi tendela tsha bambba, tshi do litshedza kha—kha—kha—kha matombo. Fhedzi zwine vha ita, vha wisa tshivhofhi. Tshivhofhi tshi tsa u swika tshi tshi haka kha mutheo wa tombo. Huno tshikepe tsho vhofhelelwa kha ngimisi. Ndi ambadzifhele ya gungwa.

⁶⁸ Huno Mukriste o bebwaho hafhu o vhofhelelwa kha Kristo, huno Bivhili ndi ngimisi. Ndi tshithu tshe ra vhofhelelwa khatsho. I ri ni madzangano, i ri ni tshithu tsho fhambanaho, i ri ni saints, i ri ni vhadededzi vha ambe tshiñwe na tshiñwe

tshine vha Ძoda. Samusi ilo Ipfi li tshi zwi amba huno la zwi fulufhedzisa, ro vhofhelelwa kha Izwo. Hu na tshiñwe tshithu tshine tsha sa Ძo ri tendela u sudzuluwa khatsho. Ndi zwone. Mukriste o bebwaho zwavhukuma, vha dzula na ilo Ipfi. Arali I tshi amba tshiñwe tshithu uri tshi itwe, na ndila ya u zwi ita, iyo ndi ndila ine ra fanela u zwi ita. A hu londwi zwine muñwe muthu-vho a amba, Izwo ndi zwe Mudzimu a amba. Ro vhofhelelwa kha Hezwo, vhutshilo vhu re kha Kristo.

Kristo, hafhu, zwi fana na ɿaledzi ya Devhula.

⁶⁹ Ni a ñivha, shango li a mona. Huno ɿaledzi, zwa vhukuma, inwe ine na i vhona sa ɿaledzi ya madekwana, i dovha ya vha ɿaledzi masase. Shango li tou mona naþo. Fhedzi li tutshela kule na idzo ɿaledzi, zwoþhe nga nnða ha ɿaledzi ya devhula. Zwino ni nga si vheye tsumbandila yanu kha ɿaledzi ya madekwana huno na swika huiwe fhethu, ngauri matsheloni a no tevhela, mini? Ni kha ɿaledzi ya madekwana vhukovhela, huno nga matsheloni a tevhelaho ni vhubvaduvha. Ni a vhona, ni nga si kone u zwi ita. Fhedzi ni nga i vhea kha ɿaledzi ya devhula, amen, huno na fara vhukati hayo yo faho. Ni ðo bva.

⁷⁰ Huno izwo ndi zwine vhutshilo ho gimiwaho kha Kristo ha vha zwone. Musi no xela, Ndi ene ɿaledzi yanu ya Devhula. Zwenezwo, arali a ɿaledzi ya Devhula, Muya Mukhethwa ndi tsumbadevhula yanu, huno tsumbandila i ðo sumba fhedzi kha ɿaledzi ya Devhula. A zwi nga sumba ndaela kana dinomineisheni. A zwi nga sumbedzi lupfiwa, kana tshiñwe na tshiñwe tshine tsha vha tshone. Li ðo farelela nga luvhilo kha ɿaledzi ya Devhula. Ndi ene ɿaledzi yanu ya Devhula. Musi no xela, ni nga ði sudzuluwa na dzidinomineisheni, na zwithu zwi no nga zwenezwo. Fhedzi tsumbandila, wone Muya Mukhethwa, u ðo ni sumba tswititi kha Ipfi, ane a vha Kristo, huno a ni fara lwo khwaþhaho. U vhofhiwa kha Hezwo.

⁷¹ Mini-ha arali ho vha hu si na ɿaledzi ya devhula, naa munna o vha a tshi ðo vhuya a wana haní ndila yaye kha lwanzhe lu re na khuli? Mini-ha arali ho vha hu si na Muya Mukhethwa wa u ni sumbedza ndila ya u ya kha Ipfi la Mudzimu, u U vhonadza na u U sumbedza, naa ri ðo itani nga ino awara? Muya Mukhethwa u sumba fhedzi kha Ipfi. "Muthu a nga si tshile nga tshinnkwa fhedzi, fhedzi nga Ipfi linwe na linwe." A si tshipida tsha Ipfi; fhedzi Ipfi linwe na linwe, Lone loþhe. "Ipfi linwe na linwe li bvaho mulomoni wa Mudzimu," izwo ndi zwine muthu a tshila ngazwo. Ndi ene Ambadzifhele wañu vhutshiloni hañu, na ene ndi ɿaledzi yanu ya Devhula.

⁷² Ni a ñivha, ri tea u vha na tshiñwe tshithu, tshiñwe, u dzudzanya magumo a mufhirifhiri.

⁷³ Ni a ñivha, ho vha na tshifhinga tshe musi mikhwa ya ɿafula i tshi ðitika kha zwe musadzi a amba. Ndi a tenda dzina lawe ho vha hu Emily Post. Ndi nga ði vha ndo khakha kha hezwo.

Ndi humbula uri izwo ndi zwone, Emily Post. A thina ndavha arali Emily Post o ri, "Dobani lufhangā lwanu hūno ni le dzone—dzone nawa ngalwo," izwo two vha zwi mikhwa. Ndi ngani? O vha e ambadzifhele wa mikhwa ya ṭafula. Izwo ndi zwone. Arali a ri, "Zwi leni nga zwanda zwanu," ni la nga zwanda zwanu. Ndi ngani? Ulu lushaka two mu ita ambadzifhele, kha mikhwa ya ṭafula. Ee, muñe wanga.

⁷⁴ Ho vha na tshifhinga tshe Germany ya vha—vha i na ambadzifhele, hūno uyo o vha e Hitler. O vha e ambadzifhele. A thi na ndavha uri muñwe muthu o ri mini, musi Hitler a tshi ri, "Zwi ite," ni zwi ite. Ndi khwiñe ni tshi ralo. U tou vha ipfi la u fhedza. Hitler o vha o ralo.

⁷⁵ Ho vha na tshifhinga tshe Roma ya vha i na ambadzifhele, hūno uyo o vha e Mussolini, muvhusawoga. Muñwe munna o reila munete muthihi nga u ṭavhanya u itela ene, a mu thuntsha kha goloi yawe hūno a mu bvisela nnđa, ha pfi, "Na khathihi a tho ngo ri nga u ṭavhanya lwa muniti, ndo amba uri ni vhe fhano nga tshifhinga." Ambadzifhele! Tshinwe na tshinwe tshe a amba, vho ḍo tea u tshi ita. Tsho ḍo tea u rembuluwa. O ri u ḍo ita uri shango lothe li shanduke nga ipfi lawe. Li shanduka nga Ipfi la Mudzimu!

⁷⁶ Ho vha na tshifhinga tshe Egipita ya vha i na ambadzifhele. Ho vha hu Farao. Ndo tsela fhasi ngei Egipita nga tshinwe tshifhinga, u tou vhona afho fhethu. Hūno ni tea u gwa milenzhe ya fumi u tsa fhasi u wana dzikhuluñoni dze vha dzula khadzo, muvhuso wa Roma; musi ndo vha ndi Roma na fhasi ngei Egipita.

⁷⁷ Ni a vhona, zweithe two humiselwa murahu kha buse la divhazwakale, ngauri two vha lu lushaka two khakheaho lwa ambadzifhele. Izwo ndi zwone. Zwo khakhea. Zwo kundelwa. Ho vha hu ambadzifhele dzo itwaho nga muthu. Hūno ambadzifhele inwe na inwe yo itwaho nga muthu na vhukoni vhuñwe na vhuñwe ho itwaho nga muthu vhu fanela u ya buseni. Vha fanela u ya buseni. Ndi lushaka two khakheaho, ngauralo lu a kundelwa.

⁷⁸ Itanu elekanya nga lushaka lwashu. Musi ri tshi dzhena vhulemeni, arali muñwe a tshi ita tshinwe tshithu, hūno vha zwi lingedza fhano khamusi kha—kha khothe ṭhukhu ya mudi, inwe khothe ya mapholisa, zwenezwo i bvela phanda, u ya phanda, hūno mafhedziselon i da kha Khothe Khulwane. Zwino, Khothe Khulwane ndi ambadzifhele ya lushaka. Izwo zwi a li ladza. Zwino, kha la Canada, khonani dzashu u bva ngei Canada vha nga ya, u bva Canada, u ya kha Khosikadzi. Fhedzi kha la United States, ndi Khothe Khulwane. Iyo ndi ambadzifhele. Nga tshinwe tshifhinga a ri takaleli tsheo dzavho, fhedzi ri tea u i thetselesa naho two ralo. Ee, muñe wanga. A ri tendelani nazwo, a ri takaleli tsheo tshinwe tshifhinga,

fhedzi ndi ambadzifhele ya ulu lushaka. Lwone lushaka lwo vhofhekana nazwo. Ndi magumo a khani dzothe. Musi iyo Khothe Khulwane i tshi ri, "U na mulandu," u na mulandu. Ri tea u vha nalwo; a ri ralo, a ri na lushaka. Mini-ha arali ro vha ri si na zwithu zwe raloho? Zwa vhukuma. Hu na ambadzifhele kha tshiñwe na tshiñwe.

⁷⁹ Hu na ambadzifhele mutamboni wa bola. Uyo ndi ene mulanguli. Ndi zwone. Huno arali a tshi ri, "Yo kora," izwo ndi zwine zwa vha zwone. A thi londi zwine na amba, zwine nda elekanya, nga ndila ye nda zwi vhona ngayo, ndila ye na zwi vhona. Ndi zwe a amba. Ndi ambadzifhele. Arali a tshi ri, "Tshikoro," ni tea u tendelana nazwo, ngauri iyo ndi ndila ine zwa khou yo nwalawa, "tshikoro." Mini-ha arali ho vha hu si na mulanguli, zwino ndi nnyi a no do luga? Munwe a ri, "ho vha hu tshikoro," munwe a ri, "ho vha hu si tshikoro; ho vha hu bola, yo vha i . . ." Mulandu, no vha ni tshi do vha na ndado. No vha ni si nga divhi zwine na tea u ita.

⁸⁰ Hu tea u vha na huñwe fhethu hune ipfi la muñwe muthu la vha magumo. Amen. Ndi pfa ndi wavhuđi zwa vhukuma zwino. Vhugala! Haleluya! Hu tea u vha na tshiñwe tshithu tsha u fhedza. Ndo takala nga maanda nga izwo. Oo, zwino, hu na muñwe ane a nga ri, "Ndi tshivhi," kana, "A si tshivhi." Ndo takala nga maanda nga izwo. Ndo takalela ambadzifhele. A hu na u ṭata khani, a hu na ḥodea ya u ṭata khani. Mulanguli a ri, "tshikoro," izwo ndi zwine zwa vha zwone; zwi swayeni thalukanyoni yanu, "ndi tshikoro," huno ni bvele phanda. Musi Mudzimu a tshi amba tshiñwe tshithu, iyo ndi ndila ine zwa vha ngayo! A hu na ḥodea ya u ṭata nga hazwo. Izwo ndi zwine zwa vha zwone. O amba nga u ralo. Iyo ndi Ambadzifhele ya Mukriste, izwo ndi arali e Mukriste. Mudzimu o ri, "Zwi itemi nga *iyi* ndila," iyo ndi ndila ine zwa tea u itwa. A hu na u ṭata khani, "Zwo luga," ha pfi, "ho vha . . ." A hu na tshithu nga hazwo. Mudzimu o amba nga u ralo, izwo zwi a li ladza! Iyo ndi Ambadzifhele kha mutendi wa vhukuma. Iina.

⁸¹ Mini-ha arali ho vha hu si na tshiñwe tshithu tshi no nga tshenetsho, naa ro vha ri tshi do vha gai? Naa vha Methodisi vha do vha vha kha ngoho, Baphuthisi, Phuresibetheriene, Vhalutere, kana ndi mini tshire tsha do vha kha ngoho? Ni a vhona, ro vha ri tshi do vha na, ndi ngazwo no—no vha ni tshi do vha na ndado. Huno izwo ndi ngazwo. Vho vhofhololwa kha iyo ambadzifhele, itsho ndi tshore tshi itisaho uri vha xele na idzi dziñwe ńaledzi.

⁸² Fhedzi hu na ambadzifhele. Hu tea u vha na ambadzifhele. Hu fanela u vha na ambadzifhele. Huno hu na ambadzifhele. Ilo ndi Ipfi. Huno zwine vhañwe vha amba, a zwi na thaidzo. Ee, muñe wanga.

⁸³ Zwino, arali ro vha ri si na mulanguli mutamboni wa bola, muñwe na muñwe u do vha a tshi khou kokodza mavhudzi a muñwe, na u ṭaṭa na u lwa. Ni a vhona? Itsho ndi tshone tshi itisaho uri ri tode ambadzifhele kha Vhukriste, ra imisa u kokodza mavhudzi, na u ṭaṭa nahone ra lwa. Ni a vhona? Ipfī lo zwi amba, huno izwo zwi a li ladza. Ni songo dzhia Khało kana na ḥusa Khało. Itonu Li litsha nga ndila ine La vha ngayo.

⁸⁴ Ni a ḫivha, hu na ambadzifhele kha vhuendedzi, ndi robotho, zwiga zwa vhuendedzi. Mini-ha arali mañwe matsheloni zwi sa shumi? Yawee, nnenñe! Naa no no vhuya na dzhena kha vhuñwe haho? Ndo ralo. A hū na u timatima, mureili muñwe na muñwe o tou ralo. Mini-ha arali itsho tshedza tsha u langula tshi sa khou shuma? Zwenezwo muñwe na muñwe u khou ṭaṭa. Vha reila heneho n̄tha, huno muñwe a ri, “Ndo vha ndi fhano u thoma,” muñwe a ri, “I ri ni ndi ni vhudze tshiñwe tshithu, ndi tea u ya mushumoni!” Yawee, nnenñe! Avho vhasadzi vha tshi posa dzibege, na vhanna vha tshi khōu lwa nga mafeisi, huno ni amba nga ha ndado! Hu tea u vha na ambadzifhele, tshiñwe tshithu tshi ri, “*Itshi* ndi tshone,” huno itsho ndi tshone. Musi itsho tshedza tshi tshi ri, “ima,” zwi amba uri ima. Musi i tshi ri, “iya,” zwi amba uri iya. Arali zwi songo ralo, ni khakhathini.

⁸⁵ Huno iyo ndi ndila ine zwa vha ngayo kha vhutshilo ha Tshikriste. Hu na fhethu ha u ima, nahone hu na fhethu ha u bvela phanda. Ipfī la Mudzimu ndi iyo Ambadzifhele. Uyo ndi Kristo. Ee, muñe wanga. Arali inwi . . .

⁸⁶ Arali robotho dzi sa shumi, zwenezwo ri vha na u tsitsikana ha vhuendedzi. Huno ndi elekanya uri izwo ndi zwine ra vha nazwo ngei n̄tha musanda wa vhurereli namusi; u tsitsikana ha vhuendi, ha vhahoi, vha sa tendi, na tshiñwe na tshiñwe tsho tsitsikana fhethu huthihi. Ni tou vha na u tsitsikana ha vhuendi. Ndi ngani? A vha na ambadzifhele. Muñwe u ri, “Zwo luga, rine ri . . . Rine ri ambadzifhele.” Muñwe u ri, “Rine ri ambadzifhele.”

⁸⁷ Mudzimu ndi Ambadzifhele. O ri, “Litshani ambadzifhele inwe na inwe, zwa sa ralo u fhira Yanga, i vhe mazwifhi. Ḫanga ndi Ngoho!” Ngauralo, ngeyo Ambadzifhele kha Vhukriste. Ayo ndi magumo a dzikhanedzano dzothe. Bivhili yo amba nga u ralo, izwo zwi Li ita uri li luge. Ee, muñe wanga. Hu fanela u vha na ambadzifhele kha tshiñwe na tshiñwe.

⁸⁸ Zwiñwe zwi tou fana na zwivhidzo ñamusi, vhunzhi ha zwivhidzo zwi na ambadzifhele ya zwone zwiñe. Muñwe na muñwe u na zwawe, tshiñwe tshithu tshi no nga maduvha a vhahañuli, munna muñwe na muñwe o ita nga ndila ye a elekanya uri yo luga. Fhedzi izwo a si zwone. Ni a vhona, izwo ndi musi Ipfī la Mudzimu na vhaporofita vho vha vha siho kha u tshila. Ipfī ndi Ambadzifhele. Vho vha vhe na ambadzifhele yavho. Muñwe na muñwe u ri ndi vhone Ngoho na ndila, “Ri Ngoho na ndila.”

⁸⁹ Fhedzi Yesu o ri O vha e Ngoho na Ndila, “Ngoho, Ndila, na Tshedza.” Naa izwo ndi zwone? Zwo luga, zwenezwo, Ene ndi Ipfi, ngauralo ngeyo Ambadzifhele. Huno dziambadzifhele dza dinomineisheni, a hu na tshithu khalo; zwo khakhea, i ri ni li tuwe.

⁹⁰ Zwino, munna u ita zwi re zwone mātoni awe, fhedzi Mudzimu u na ndila ya uri a zwi ite. Ni a vhona, musi Mudzimu na Ipfi Lawe na vhaporofita Vhawe vha si ho, munna muñwe na muñwe o ita u tou fana na zwe a ḥoda.

⁹¹ Huno izwo ndi zwe zwa vha zwi zwone kha lino duvha, muñwe na muñwe u ri, “Ndi—ndi wa *itshi*.” Naa ni Mukriste? “Ndi Muphuresibetheriene.” Naa ni Mukriste? Ndi a ni vhudzisa. Muñwe musidzana a ri, “Ndi u nea uri u pfesese, ndi funga khandela vhusiku vhuñwe na vhuñwe.” Muñwe munna o ri, kha muduba wa thabelo, ndo mu vhudzisa arali o vha e Mukriste, ha pfi, “Ndi Muamerika. A ni ofhi!” Vhunga izwo zwi na mushumo Nazwo. Ni a vhona, vho vhofhelelwa kha lushaka. Muñwe o voxwa kha dzangano, dzidogima.

⁹² Fhedzi *Mukriste* zwi amba “u fana na Kristo.” Huno ndila i yothe ine ni nga vha a fanaho na Kristo ndi wa uri Ipfi li vhe kha inwi. Iyo ndi ambadzifhele. Iina. Ndo vhona izwi ndi sa athu shandukiswa, huno nne ndo takala uri Mudzimu o mpfara tshivhidzo tshi sa athu ita. Ngauralo ndo divha musi ndi . . .

⁹³ Mushumeli wavhudzi wa Baphuthisi, Mukomana Naylor, u ngei Vhugalani namusi, o tsela fhasi, a amba na nne. Huno, oo, hu na vhatu vhanzhi vhe vha amba na nne musi ndo—ndo vha ndi tshi khou lingedza u wana Mudzimu. Ene mureri wa Seventh-day Adventist o ḥoda ndi tshi vha murađo wavho, na zwiñwe-vho. Fhedzi ndo v̄hona uri arali ndo vha ndi tshi khou ya u vha Mukriste, a—a thi koni u ri, “Zwino ndi Seventh-day Adventist.” Zwino, izwo zwo luga. “Ndi Mubaphuthisi.” Zwo luga, ni a vhona, fhedzi ndo do tea u vha na tshiñwe tshithu tshi re na ngoho lwo engedzeaho zwiñku u fhira hezwo. A—a tho ngo kona u fulufhela, ngauri muñwe na muñwe o vha a tshi khou lepalepa.

⁹⁴ Nda elekanya, “Hu na muñwe huñwe fhethu, ni tea u vha na tshiñwe tshithu tshi re ngoho, huñwe fhethu.”

⁹⁵ Ngauralo ndo ḥoda ambadzifhele, ngauralo nda dzhia inwe, Ipfi la Mudzimu. Ngauralo ndo vhala kha Ipfi uri ndi Ene Ipfi, Yohane Mukhethwa 1. “Huno kha iyi ambadzifhele, ndi do fhaṭa Tshivhidzo Tshanga.” Um-hum. Izwo ndi zwone. Ngauralo ndo Mu dzhia kha Ipfi Lawe. Nzumbululo ya 22:19 yo ri, “Ane a do ḥusa Ipfi lithihi kha Iyi, kana a engedza nga ipfi lithihi Khayo.” Iyo ndi ambadzifhele. Ayo ndi magumo a mufhirifhiri wothe. *Iyi* ndi ambadzifhele. “Nnyi na nnyi aene a ḥusa tshiñwe tshithu Khało, kana u engedza tshiñwe tshithu Khało,” Mudzimu o ri, “Ndi do tou bvisa tshipida tshawe kha Bugu ya Vhutshilo,”

ngauralo Iyo yo do tea u vha ambadzifhele. Huno Yesu o amba zwauri, "Muthu a nga si tshile nga tshinnkwa fhedzi, fhedzi nga Ipfi linwe na linwe." Zwenezwo ndi a divha hezwi "Ipfi linwe na linwe" lo do tea u ralo. A ri, "Muhumbulo kha muhumbulo, huno mutalo kha mutalo." Iyo ndi ndila ine La tea u da, vhunga Lo nwaliwa.

⁹⁶ Zwenezwo A ri, "Arali ni tshi dzula kha Nne," Ndi ene Ipfi, "Maipfi Anga a khou dzula kha inwi, ni nga humbela tshine na funa." Ndo zwi divha zwenezwo arali Vhukriste ho vha hu Ipfi la Mudzimu, huno O vha e Ipfi, nahone nga u tanganedza Ipfi, Ipfi lo tshila nga Khae, zwenezwo ndi a divha, "Arali ni tshi dzula kha Nne, na Ipfi Langa kha inwi, humbelani tshine na funa." huno arali ni kha Ipfi na tshipida tsha Ipfi, ni do humbela fhedzi zwine Ipfi la ni vhudza uri ni humbele. Divhani duvha line na khou tshila khalo, huno ni humbele nga u ralo.

⁹⁷ Ngauralo-ha, murahu kha thoho, zwi ita... A tshi khou amba zwino nga ha uyu muthu, fhedzi ndo vhoxwa. Ndo vhofhelewa kha Yesu Kristo, Khae, nga Ipfi Lawe. Ndi ene Ambadzifhele wanga.

⁹⁸ Ndo wana uri idzi dinomineisheni dzothe na zwithu zwo vha zwi na ambadzifhele yazwo. Muñwe na muñwe, muñwe na muñwe, vha na ambadzifhele ya vhone vhañe.

⁹⁹ Mukałolika, musi uyo mupapa a tshi amba tshinwe tshithu, izwo ndi zwone. Iyo ndi ambadzifhele ya tshivhidzo tsha Kałolika. A thi na ndavha na zwine tshifhe a amba, zwine mubishopo a amba, zwine mukhadinala a amba; musi mupapa a tshi zwi amba, ndi zwezwo. Iyo ndi ambadzifhele. Yo lulama.

¹⁰⁰ Kha tshivhidzo tsha Methodisi na vhunzhi ha dinomineisheni dza Porotestanti, zwine mubishopo a amba, iyo ndi ambadzifhele. Ndi zwenezwo fhedzi. Zwine ndaela ya amba, iyo ndi ambadzifhele.

¹⁰¹ Kha Vhapentekostała, ndi zwine mulavhelesi muhulwane a amba, kana ni nga vha na uyu muthu u itela mvuseledzo, kana hai. Iyo ndi ambadzifhele. Inwi a ni tendelani na maipfi awe, ni rahelwa nnđa ha dzangano. Ni a vhona, Ipfi a li dzhielwi n̄tha na luthihi. Ni a vhona? Ni wana hedzi ambadzifhele, muñwe na muñwe e na ambadzifhele yawe.

¹⁰² Fhedzi, ni a divha, a thi ambi hezwi lwa u tou t̄ambuludza. Ndi zwi amba nga ngoho. Ndi pfa nga iyo ndila ye Paulo a ita, musi o ri, kha Mishumo 20:24, "A hu na tshithihi tsha izwi zwithu tshi no ntsudzulusa." "Ndo diimisela u divha tshithu vhukati hañu; fhedzi Yesu Kristo, huno Ene muvhambwa." A thi dinwi nga idzi ambadzifhele, kana ndi mupapa, mubishopo, kana mulavhelesi muhulwane, kana mueletshedzi, kana sisteme, kana tshinwe na tshinwe tshire tsha vha tshone, a hu na na tshithihi tsha izwi zwithu tshi no ntsudzulusa. A thi londi arali vha tshi ri, "Zwo luga, rine—rine a ri nga do ralo u..." Izwo a

zwi iti na phambano thukhu. Ndo diimisela u divha tshithu nga nn̄da ha Yesu Kristo, Ipfi Lawe lo vhonadzwaho vhukati hashu. Ndo vhofhiwa kha Izwo. Uho ndi u gima hanga. Ndo gimiwa kha Izwo.

¹⁰³ “U bva tshe nda . . .” Paulo o ri, “U bva tshe nda tangana Nae, ndilani, ndo rembuluwa. Ndi na . . . O kholola.”

¹⁰⁴ Nnenne, nga ndila ye A kholola ngayo! U kholola-de he A ita kha nne. Fhedzi tshee A kholola, ndo vhofhelelwa Kholo. Ndo vhona uri Ipfi lo vha li Ngoho, tshiñwe na tshiñwe tsho fhambanaho Nalo tsho khakhea.

¹⁰⁵ Ni a divha uri mini? O vha e na ndivho ya u ntshidza. O vha e na ndivho ya u ni tshidza. Huno ndo diimisela, nga lufuno Lwawe, u ita lufuno Lwawe. Tsho itisaho ur̄i A zwi ite, a thi divhi uri ndi ngani O zwi ita.

¹⁰⁶ “Hu si u engedza Kholo kana na tusa Kholo!” Vhunga ndo amba, Nzumbululo ya 22:19 yo ri ni songo zwi ita. Arali E Ambadzifhele yashu, i nga si vhe nga inwe ndila. A hu na ndila ya uri zwi vhe nga inwe ndila. U tea u vha Ambadzifhele, Ipfi la u fhedzisela.

¹⁰⁷ Ni a divha, ho vha hu na vha dzimilioni tshivhini musi ndi tshi tshidzwa. O vha a na ndivho ya u ntshidza. Ndi nne muthu a sa pfeseswiho vhukati ha vhakomana, tshifhinga tshinzhi; vha tenda kha u tiwa, mbeu ya nowa, ndovhedzo nga Dzina la Yesu Kristo, na izwi zwiñwe zwithu zwe the zwi no vhonala zwi . . . huno mabono, na maanda a Kristo o humela muraha, na u hañula madzangano na zwitħu. Ndi muthu a sa pfeseswiho, fhedzi O vha e na tshiitisi tsha u ntshidza, ndivho ya u zwi ita. O ntshidza musi ho vha hu na milioni dza vhañwe tshivhini, fhedzi O ntshidza nga nthani ha tshiñwe tshiitisi. Ho vha hu na vhanna vho funzeaho, ho vha hu na vhanna vho thanyaho, ho vha hu na vhoratheolodzhi, ho vha hu na vhabishopo na madokotela, na zwiñwe zwinzhi, tsimuni, musi A tshi ntshidza, fhedzi O ntshidza u itela tshiñwe tshiitisi.

¹⁰⁸ Huno ndi vhona uri Ipfi ndi Ambadzifhele, huno ndo vhofhelelwa Kholo, huno ndo diimisela tshothe uri a thi nga divhi tshiñwe tshithu-vho nga nn̄da ha Yesu Kristo, nahone Ene o vhambiwaho. O vha e na tshiitisi tshazwo, huno ndo diimisela u fara itsho tshiitisi. A hu londwi zwine muñwe muthu-vho a amba, a thi vha lañ kana nda vha nyefula, fhedzi ndi divha zwe nda vhofhelelwa khazwo. O vha a tshi khou n̄oda sa hezwi. O vha na nne sa hezwi. Ndo vhumbwa sa zwenezwo hu na ndivho. Ndo do tea u itwa nga izwi zwivhuya zwe the, na zwiñwe-vho, na izwi zwi si na ndalukanyo zwe the, uri A kone u zwi bvisa kha nne, a vhea Tshiñwe tshithu ngomu benefho; ilo lo vha li Ipfi Lawe. Huno ndo diimisela uri a thi nga divhi tshiñwe tshithu-vho nga nn̄da ha Kristo.

¹⁰⁹ Lufu lwa Kristo lwo vha lu ambadzifhele. Yo vha i ambadzifhele. Ho vha hu magumo a nyofho dzothe kha avho vhe vha vha tshi ofha lufu. Lufu lwawe ndi ambadzifhele, tshifhingani itsho.

¹¹⁰ Vhatu vha ofha lufu. Na Yobo o ofha lufu. Fhedzi musi a tshi vhona bono! O divha uri tshiñwe na tshiñwe tsho vha tsho tuwa; muña wawe, vhana vha—vhawé. Na mufumakadzi wawe o mu shandukela, nga nthani ha—ha munukho wa zwilonda zwa—zwawé; a dzula nda ha nndu yawe, kha thulwi ya miora, a tshi ñwaya zwilonda zwa—zwawé. Huno mufumakadzi wawe o vhuya a ri, “Ndi ngani ni sa semi Mudzimu, nahone na fa lufu?”

A ri, “Iwe u amba sa musadzi wa tsilu.” Ni a vhona?

¹¹¹ Zwenezwo musi Elihu a tshi amba nae... Liñwe la haya mađuvha, ndi khou ḥoda u bvisela khagala ilo dzina fhasi u itela iwe, Elihu, huno nda u sumbedza uri ho vha hu Kristo.

¹¹² Musi o vha e na iyi nyimele, huno tshiñwe na tshiñwe tsho vha tsho mu ḥanutshela, zwenezwo a vhona bono la O Lugaho. O vha a tshi ḥoda u wana Munna We a kona u vha nne-ndila; a vhea zwanda Zwawé kha munna muvhili na Mudzimu Mukhethwa, huno a ima vhukati. Huno Mudzimu o mu tendela u Zwi vhona, miñwaha ya zwigidi zwiñga kule. Yo vha i ambadzifhele yawe. O takuwa huno a didzinginyisa. Haleluya!

¹¹³ Musi munna a tshi ofha u fa, takuwani huno ni didzinginyise, sedzani ngomu ha Ipfi huno ni vhone zwine bono la Mudzimu la vha zwone.

¹¹⁴ O vhona ilo bono, a ri, “Ndi a divha uri Murengululi wanga u a tshila, huno mađuvhani a u fhedzisela U do ima kha ili lifhasi. Huno ndi khou divhofhelela khazwo! Naho mbungu dza lukanda dza tshinyadza uno muvhili, fhedzi ḥamani yanga ndi do vhona Mudzimu: Ane nda do mu vhona ndi tshi itela nne muñe. Ndo vhofhelelwa khae,” a ralo. O zwi vhona. Yo vha i pfulufhedziso ya Mudzimu.

¹¹⁵ O sedza nga milayo ya mupo. Vhunga ndo vha ndi tshi khou ni vhudza nga ha u bvela phanda hu si na tshanduko ha mulayo wa mvelo, u bvela phanda hu si na tshanduko ha Ipfi, u bvela phanda hu si na tshanduko ha nyito ya Mudzimu, tshiñwe na tshiñwe tshi a bvela phanda hu si na tshanduko. O vhudzisa, kha Yobo 14. A ri, “Hu na fulufhelo kha muri, arali wa fa; dzuvha, arali la fa; na zwiñwe zwinzhi. Fhedzi,” a ri, “muthu u edela fhasi, huno a lovha, a fhufhurea. Vharwa vhawé vho da u mu hulisa, ha zwi divhi. Oo,” zwenezwo a ri, “arali Iwe u tshi do ndzumba tshaloni, ndzumbe nahone u mbee vhudzumbamoni, u swika mbiti Dzau dici tshi fhira!” O vha a tshi ofha lufu.

¹¹⁶ Fhedzi musi a tshi vhona, e muporofita, o vhona mvuwo ya Yesu Kristo, a zhamba, “Murengululi wanga u a tshila!” Sedzani, o Mu vhidza, “Murengululi.” Sedzani. “Ndi a divha uri Murengululi wanga u a tshila, huno mađuvhani a u fhedzisela

U do ima kha lifhasi; naho nga murahu ha musi zwivhungu zwa lukanda lwanga two no tshinyadza uyu muvhili, nangwe two ralo ñamani yanga ndi do vhona Mudzimu." Mudzimu na Murengululi vho vha vhe zwenezwo zwithihi, Mudzimu na muthu vho ita tshithihi. "Ndi do vhona Mudzimu; ane nda do mu vhona nne muñe, mañe anga a do mu vhona, huno hu si a muñwe." Amen.

¹¹⁷ A hu na muñwe muthu-vho nga nn̄da ha uyo Murengululi, Mudzimu, ane mañe anga a vhona. Ndi ene ambadzifhele. Ndi ene Ambadzifhele. U bvisa nyofho dzoñthe kha lufu. U dzhia nyofho dzoñthe.

¹¹⁸ Kha Vhaheberu, ndima ya vhu², ndimana ya vhu¹⁴ na ya vhu¹⁵, sedzani. O dzhia tshivhumbeo tsha munna, u fa vhunga muñwe, u itela vhoñthe. O dzhia tshivhumbeo tsha muthu. Uyu Murengululi o tsela fhasi huno a itwa munna, uri A kone u fa, Munna muthihi, u itela vhatu vhoñthe. Oo, naa O zwi ita hani? Naa Mudzimu o vhela mini munna? U badela tshigwevho tsha muthu.

¹¹⁹ Fhedzi, nga matsheloni a Paseka, O bvelela na khono dza lufu, hele, na tshalo. Amen. Mudzimu, Ane a nga fa kha tshifhambano, huno zwalo a two ngo kona u Mu fara; a hu na tshithu, hele i nga si Mu fare. A hu na tshe tsha vha tshi tshi nga Mu fara. O vuwa. O vha e na khii. O vuwa, e Mukundi, ngauri O kunda zweñthe lufu, vhudzulavhafu, tshalo. Musi O vha e kha lifhasi, O kunda vhulwadze. O kunda tshiñwe na tshiñwe. O kunda vhutendadambi. O kunda tshiñwe na tshiñwe tshe tsha vha tshi hone uri tshi kundiwe. Huno a bva e na lufu, vhudzulavhafu, na tshalo, khii dzi tshi khou mona thungo Yawe; huno a gonya N̄tha, huno a nea zwifhiwa kha muthu, huno a vhuya nga Duvha la Pentekoste huno a dzi nekedza kha Petro, kha Tshividzo. Amen. Ndi ene ambadzifhele washu. Nyofho dzoñthe dza lufu. . . Ngauri U a tshila, na riñe ri a tshila-vho.

¹²⁰ Vharoma 8:1, "Zwenezwo-ha ro itwa vho lugaho nga lutendo, ri na mulalo na Mudzimu nga kha Murena washu Yesu Kristo." Ri wanulusa, ndi a tenda uri izwo ndi Vharoma 5, ri wanulusa. Huno-huno ndi Ene u luga hashu. Mudzimu o Mu vusa nga duvha lavhuraru, u ita lutendo lwashulwo luagho, uri ri a zwi tenda. Huno A Mu vusa, u ita lutendo lwashu lwo lugaho. Naa O itani tshifhingani itsho? O Mu rumela murahu, ene Mulugisi, ngauri lutendo lwashu lu a zwi tenda. Muya Mukhethwa, Kristo, dzhena ngomu hawo, u itela u itwa vho lugaho hashu, ngauri ro vuwa lufuni ra ya kha Vhutshilo. Huno zwino ri vharwa na vhananyana vha Mudzimu, ro dzula fhethu ha Taqulu kha Kristo Yesu, o ri ita vho lugaho nga mvuwo Yawe.

¹²¹ Izwo zwi ri nea u itwa vho lugaho, u ñivha, nga—nga muthetshelo wa tshidzo yashu ngomu hashu zwino, vhutshilo honoho ha Kristo vhu tshi divhitha kha riñe. Huno ro vha ri tshi

nga landula hani Ipfi? Zwine, ndi Ene Ipfi line la ri fha . . . heli fulufhelo. Muya Mukhethwa u henefho. Naa Ndi mini? U kha di vha Naledzi ya Devhula, Kristo ndi iyo Naledzi ya Devhula. Huno Muya Mukhethwa ndi uho u itwa wo lugaho huno sumba mutendi tswititi kha Naledzi ya Devhula. Ndi zwone.

¹²² Muya Mukhethwa u do dzulela u sumba kha Ipfi. Arali U tshi sumba ndaela kana dinomineisheni, a si Muya Mukhethwa. O vha a nga si ite hezwo, u tутshela kule na Ipfi Lawe, musi A tshi fa u khwathisedza iло Ipfi na u ita uri helo Ipfi li vhe phosethivi. Amen. O fa uri A kone u da, Ene muñe, kha iло Ipfi. Ndi ene Vhutshilo ha u hanyisa vhune ha ita uri iло Ipfi li tshire hafhu. Iyo yo vha i ndivho Yawe ya u fa, uri O kona u disumbedza nga kha Tshivhidzo Tshawe, huno a ita Ipfi linwe na linwe, nga kha tshikhathi tshiñwe na tshiñwe, u difara kokotolo nga ndila ine Wa tea u ita.

¹²³ Ndi ene maanda a mekhanikkhe. Makhanikhe a Tshivhidzo, naa ndi mini? Vhaapostola, vhaporofita, vhadededzi, na vhañwevho. Huno ndi ene nungo dza u тутуведза dzi no shuma hezwo. Huno zwe shumiwa nga mañwe maanda ane a vhidzwa . . . Ene, Ndi ene Mulilo une wa fhisa gese. Ndi ene Mulilo une wa vha kha thini la gese, uri musi yone—yone gese, lone—lone Ipfi, li tshi shelwa kha thini la gese, Ndi Ene ane a li dugisa. Ndi Ene ane a li khwathisedza. Ndi ene maanda a mvuwo. Ndi ene Mudzimu. Ene, Ndi ene Mulilo, izwo ndi zwine A vha zwone.

¹²⁴ “Hu si na khanedzano,” o ralo Timotheo ya u Thoma 3:16, “ndi tshihulwane tshiphiri tsha vhumudzimu; ngauri Mudzimu o vhonadzwa ñamani, a vhonwa nga vharunwa, a тanganedzwa Vhugalani.” O vha e Mudzimu, a tshi da u dzhia vhuimo ha vhaftazwivhi. Ee, muñe wanga. Huno musi A, Mudzimu, o Mu vusa nga—nga duvha la vhuraru, o vha a tshi itela u itwa vho lugaho hashu. Ngauralo-ha, o huliswa kha tshanda tsha u la tsha Vhuhulwane ngei Ntha, Ndi ene Murabeleli, u rabelela rine vhañe . . . u itela u shaya nungo hashu, musi ri tshi zwi bula kha Ene, huno ra fa kha riñe vhañe; ri tshi vhea Ipfi Lawe murahu kha riñe, pfulufhedziso. Huno lutendo lwashu lu ita uri iло Ipfi li tshire, ngauri Kristo u kha riñe, mu hanyisedzi wa Ipfi.

¹²⁵ Ndi tama hani tshivhidzo tshi tshi nga vhona izwo, u тата hoхе na mufhirifhiri zwi tshi do fhela! Iyo i do vha Khothe Khulwane. Iyo ndi naledzi ya Devhula. Haleluya! Ayo ndi magumo a mufhirifhiri woхе. Ayo ndi magumo a mbudziso dzoхе. Ayo ndi magumo a tshiñwe na tshiñwe. “Mudzimu o amba nga u ralo,” iyo ndi Ambadzifhele. Divhofheni Khalo. Paulo o ri, “A hu na tshithu tshi re hone, a hu na tshi qaho, lufu, vhulwadze, vhufhedzi, khombo, a hu na tshine tshi nga ri fhandekana u bva kha Izwo.” Ro vhofhiwa kha Ambadzifhele. Ha pfi, “Uri nñe ndi tshire ndi—ndi Kristo, huno u fa ndi u bindula.” A hu na tshiñwe tshithu-vho tshi no fara nga nnđa ha Izwo henefho. Iyo ndi Ambadzifhele.

¹²⁶ Ndi ene Ambadzifhele washu ngauri ri na vhuțanzi ho khwathahaho ha muwo, ngauri O vuswa kha riñe. Naa ri divha hani? U a tshila. U ita kokotolo hafha zwe A ita musi O vha e fhano kha liphasi. Ndi yeneyo Khavhu ya Mulilo nthihi, ri na tshifanyiso tsha heneffho. Ndi onoyo muthihi kha Tshivhidzo. U fhano ñamusi, huno kha uyu muvhili U a ita nahone a difara kokotolo vhunga zwe A ita tshifhingani itsho.

¹²⁷ Arali vhutshilo tsinde la bvani ho vheiwā kha fhuri, li nga si vhuye la anwa linwe fhuri; zwi nga si ralo, ngauri hu do vha hu bvani, ngauri vhutshilo vhu re khalo vhu do vha bvani. “Huno arali Langa... Inwi dzulani kha Nne na Ipfi Langa li kha inwi, ni humbelala tshine na funa!” Ni do vha na mabvani. Amen. Ambadzifhele, ndi a divha uri ndi Ngoho. Ndo hungelela muya wanga kha izwo, huno ndi a divha uri ndi Ngoho. Ipfi la Mudzimu, Ndi ene Ambadzifhele washu.

¹²⁸ Vhathesalonika ya Vhuvhili, ndima ya vhu2, ri vhala izwo. “Ri do takulelwa n̄ha na vhafunwa vhashu, u tangana Nae muyani.” Oo, nga ndila ine mbilu yanga ya divhitha kha Ipfi linwe na linwe Buguni Yawe, “Amen.” Mudzimu o ri, “Ri do takulelwa n̄ha muyani, u tangana na vhafunwa vhashu.” “Amen,” o amba Ipfi fhasi mbiluni yanga, ngauri Ipfi li ngomu heneffho.

¹²⁹ “Ndo dzumba Ipfi Lau mbiluni yanga, Murena, uri ndi songo U itela tshivhi. Ndi a vha vhofha kha minwe yanga, kha thohohya mmbete wanga. Iwe u phanda hanga tshifhinga tshothe. A thi nga dzinginyiswi.”

¹³⁰ “Ee, naho nda tshimbila govhani la murunzi wa lufu, a thi nga ofhi vhuvhi, ngauri U Ambadzifhele wanga. Ndi do tsela fhasi nga kha heneffho, huno U do nkokodzela nn̄da. Ndi ya ngomu madini o tsaho a tshikepe tshanga, U do... U ngimisi yanga. Amen. U murahu ha lupila heneffho. Ndi Iwe ane A do tshimbidza nga kha dumbu. Ndi Iwe ane a do vha Heneffho, ngimisi yanga ngei Vhugalani, musi ndi tshi tsela fhasi kha mirunzi ya muedzi, mirunzi ya lufu.” Musi ndi tshi tsela fhasi ngei Yorodane, musi ndi tshi tea u pfukela nga hangei, Ndi ene Ambadzifhele wanga. Ndo hungelelwa kha o vuwaho kha linwe sia, U do nkokodzela nga kha madzi a re khombo. “A thi nga ofhi vhuvhi, ngauri Iwe u na nne.” Amen. Madumbu kha fhire, vhutshilo, lufu, tshiñwe na tshiñwe tshi re hone; a hu na tshithu tshine tsha do fhandekana. Ndo vhofhelelwa kha iyo Pala.

¹³¹ Iyo Mbofho yo khwatha. I farelela ngomu ha lupila. I ya gima. I ya dziba kha Mudzimu seli. I dziba kha mbilu yanga. Wone Muya Mukhethwa ndi wone une wa endedza kha iyo pfulufhedziso: “NDI NNE!” Hu si, “Ndi do vha,” “Ndo vha,” “Linwe duvha ndi do vha.” “Ndi nne Mvuwo na Vhutshilo,” u ralo Mudzimu. “Uyo ane a tenda kha Nne, naho o fa, u do tshila. Huno ane a tshila nahone a tenda kha Nne, ha nga lovhi.”

¹³² I ri ni lufu lu ite tshiñwe na tshire lwa ṭoda, a zwi nga vhuyi zwa nndina, ngauri ndi a kwengweledzea, ndi a kwengweledzwa uri na kha vhulwadze vhune vhu nga nnzhia, kana gulu i bvaho kha tshigidi, liñwe ḫuvha, i nga ndzhia, a thi divhi uri zwi ḫo vha mini, naa zwi ita phambano-de kha nne? "Ngauri nne u tshila ndi Kristo, huno u fa ndi u bindula." Yawee, nne-nne! Ngauri, ndo diimisela tshoṭhe uri ndi a Mu divha o dzula hangei seli nga kha mulambo wa lufu, hune A ḫo nkokodzela ngomu Vuhuhoneni Hawe liñwe ḫuvha. O itwa o lugaho nga u luga Hawe, uri ndo ḫanganedza lufu Lwawe kha tshifhambano, Mudzimu o ita ḫama vhukati hashu; u kha ḫi vha ḫamani na riñe, wone Muya kha ḫama yashu. Amen.

¹³³ Ndi ene Ambadzifhele wanga. Ndi ene zwanga zweithe. Tshiñwe na tshiñwe nga nnda ha izwo, a hu na tshithu zwandani zwanga tshire nda disa. A thi divhi tshiñwe tshithu-vho nga nnda ha Kristo, huno Ene o vhambiwaho; a thi ṭodi u pfa tshiñwe tshithu fhedzi Kristo, nahone Ene muvhambwa. Mbilu yanga i ri "amene" kha iñwe na iñwe ya pfulufhedziso Yawe. Ndi ngazwo ndi tshi divha uri Muya Mukhethwa Wawe ndi tsumbadevhula, U nnyendedzela kha Ipfi.

¹³⁴ A hu na na lithihi ḫa ayo mabono ḫe ḫa vhuya ḫa amba tshiñwe tshithu kha nne nga nnda ha tshe tsha vha tshi tshore kha Ipfi. Oo, ndi heneffo hune nda vha na vhuñanzi hanga, mukomana. Vhuña vhusiku musi A tshi mmbudza nga izwo, ndo lavhelesa ayo mabono. Huno ndi ḫo vhidza tshenzhemo yañu, naa liña bono ḫo vhuya ḫa amba tshiñwe tshithu tshe tsha vha tsho fhambana na Ipfi? Na khathihi a hu athu vhuya ha vha na tshiffinga tshe zwa vhuya zwa khakhea. Ndi ngani? Ndi Mudzimu. Iyo ndi pala yanga ya u vhofhelelwa.

¹³⁵ Huno ndi a divha, nga mañwe matsheloni, kha bono, ndo vhona vhafunwa vhanga u buđekanya mulambo hangei seli. Ndi heneffo. Ndo lugela ilo Shango ḫa pfulufhedziso. Ndi tea u ḫanganana henegei liñwe ḫuvha. Ee, zwa vhukuma.

¹³⁶ Ndi ene Ambadzifhele wanga. Ndi ene ḫuvha langa. Ndi ene Vhutshilo hanga. Ndi ene mbofho yanga, yone Naledzi ya Devhula yanga. U zweithe zwine ndi nga vhuya nda elekanya u vha, U hezwo kha nne. U Vhutshilo hanga.

¹³⁷ Dzidinomineisheni, kha nne... A thi khou vhaisa vhudipfi hanu; a thi ṭodi u ita hezwo. Fhedzi Ipfi li nga banga ḫa mutsheahothé, Li nga si kone u sukumedza hu si na u tshea, ni a vhona, nga maanda musi Li tshi khou tumula swiswini. Dzhielani nzhele, dinomineisheni dzi nga dziñwe naledzi, dzi sudzuluwa na u mona ha shango. Izwo ndi zwone. Ndila iñwe na iñwe ine shango ḫa tshimbila ngayo, vha tendela vhasadzi vhavho u ḫunya mavhudzi avho, vha ambara zwipfufhi, na zwiñwe zweithe, i tou sudzuluwa na Hollywood na tshiñwe na tshiñwe-vho. Fhedzi, oo, mukomana, Izwo zwi kha ḫi vha Ngoho, ilo Ipfi

li sa sudzuluwi la Mudzimu a tshilaho li kha di vha Ngoho! Ndi Ambadzifhele yanga. Zwine La amba ndi Ngoho. I ri ni dinomineisheni i sudzuluwe huňwe na huňwe hune ya toda. Vha ḥoda u bvisa Dzina la Yesu Kristo, nga vhuimo, izwo zwi khavho. Fhedzi, kha nne, “A hu na liňwe Dzina fhasi ha Tađulu lo ḥewaho vhathu, line ngalo ni fanela u tshidzwa.” Kha nne, ilo ndi Ipfi la mutheo, heneffo ndi hune tombo la khuda la vha hone. A thi ḥodi u sudzuluwa na dinomineisheni.

¹³⁸ Ndi na Tsumbadevhula yanga hafha ngomu hanga, Muya Mukhethwa, u a ntsumbedza tswititi kha Ambadzifhele. “Ngauri maṭađulu na liphasi zwi do lovha, fhedzi Maipfi Anga ha nga lovhi na khathihi.” Huno ndo Li dzumba mbiluni yanga, huno Muya Mukhethwa wa ntsumbedza zwone Khalo. Ndo diimisela u sa ćivha tshińwe tshithu-vho. Iyo ndi Ambadzifhele yanga. I ri ni zwi vhe nga u ralo. Iyo ndi ndila ine nda zwi ḥoda ngayo. Yawee, nnenne! Zwino, mukomaná, khaladzi, itani Ambadzifhele yanu Khae. Ee, muňe wanga.

¹³⁹ Nga tshifhinga tsha khakhathi ye nda vha nayo fhano a si kale, xelewla nga mufumakadzi, vhana, tshińwe na tshińwe. Muňwe muthu o ri kha nne, a ri, “Naa wo vhulunga vhurereli hau?”

¹⁴⁰ Nda ri, “Hai, Ho mpfara.” Ni a vhona? Ni a vhona, ndo vha ndi na Ambadzifhele, u ćivha uri liňwe ćuvha ndi do dovha nda vha vhona. Amen. Ndo vha ndi si nga koni u zwi ita arali ndo vha ndi tshi do vha ndi songo vha na iyo Ambadzifhele. Zwo ita phambano kha nne, he nda vha ndo vhoxwa, ngauri ndo zwi ćivha uri ndi do dovha nda vha vhona.

¹⁴¹ Zwino, nga tshilidzi, ndo vhofhelelwa kha Ene We a ri, “NDI NNE,” hu si “Ndo vha.” “NDI NNE,” lwa tshothe, dzulela u vha kha tshikhathi tsha zwino, omni-, ravhuťali, omni-, ramaaanda-othe, wa u ya nga hu sa gumi, uri A si wa “ndo vha.” “NDI NNE,” U kha di vha mvuwo. U kha di vha Naledzi ya Devhula. U kha di vha tshińwe na tshińwe, kha nne.

¹⁴² Mushe o vha e na ambadzifhele. Musi a tshi ḥangana na itsho tshiťaka tshi dugaho, iyo yo vha i ambadzifhele khae. Musi Yoshua—musi Yoshua . . .

¹⁴³ Oo, ni a ćivha, tshińwe tshifhinga musi ni tshi dzhia ambadzifhele, ambadzifhele i do ni khadela kha vhučolo. Ndi zwone. Ee. Vhučolo ndi tshińwe tshithu tsha vhukuma, fhedzi tshi nga si ḥalutshedzwe. Ndi vhučolo.

¹⁴⁴ Musi Yoshua o ima heneffo, huno a vhona uri u na ḥodea! Mudzimu o mu ɣea ndaela ya u ya henengei huno a dzhia ilo shango, vha rwa avho vhathu vhothe, huno—huno vha vhea Isiraele shangoni. Huno liňwe ćuvha, mmbi dza tupulwa, nahone nnnda shangoni. Huno tshone—tshone tshithu tsha u thoma ni a ćivha, o zwi ćivha uri o vha navho vho kundiwa, tenda fhedzi o vha navho vho kundiwa. Ngauralo, musi o ita, ćuvha lo vha

li tshi khou kovhela. Huno Yoshua o vha o vhofhelelwa kha Ambadzifhele, Ipfi la Mudzimu, Musiki. O vha o vhofhelelwa kha mushumo we a do tea u ita. Amen.

¹⁴⁵ Tshinwe tshifhinga a zwi takadzi u vha na u zwi ita; ni tea u vhaisa vhuçipfi, u tumula na u rema. Fhedzi ndi ambadzifhele.

¹⁴⁶ O vha e na thodea. A ri, “Duvha, iwe ima u tou tsere, hangei! Nwedzi, iwe nembelela heneffo!” Huno, lwa awara dza fumbiliña, la ima. Oo, u amba nga vhuçolo! Fhedzi o vha o vhofhelelwa kha ambadzifhele, e na ndaela. Ee, nga ngoho, Mudzimu o mu nea ndaela.

Yohane o vha e na ngoho ya uri u do vhona Liivha musi Li tshi da Khae.

¹⁴⁷ Musi ndi tshi vhona iyo Khavhu ya Mulilo, vhunga Paulo ndilani ya u tsela phasi ngei Damaseko, ndo zwi divha uri iyo yo vha i Ambadzifhele ya Mudzimu, ho vha hu tshi khou da mvuseledzo ye ya vha i tshi khou yo swiela mashango. Ndo zwi divha uri U do ranga phanda U Da ha vhuvhili ha Yesu Kristo, huno ndi kha di zwi tenda na namusi. Ndi Ambadzifhele yanga, naho ho vha hu vhuçolo. Zwo tou ralo, ho vha hu vhuçolo, ngauri Khavhu ya Mulilo i tshi nembelela ntha ngei lutomboni. Huno mabambiri na tshinwe na tshinwe zwi tshi dzhia tshifanyiso Tshalo.

¹⁴⁸ Ho vha hu vhuçolo, linwe duvha, nga Thafamuwe nga la vhu15, kana Shundunthule nga dzi 15, ndi a tenda...hai, Thafamuhwe ya vhu15, uno nwaha wo phelaho. Musi, miñwedzi miraru kana mina phanda ha tshifhinga, *Vhane Vhangwa, Naa Ndi Tshifhinga-đe?*, ho pfi ri do bva heneffo, “Huno Vharunwa vha sumbe vha do tangana, huno a vhuya, huno bu—Bugu ya Mapfundo a Sumbe i do pfuñululwa.” Huno ndo ima heneffo na Mukomana Fred Sôthmann, we a tou ri “amen” hangei, o ima heneffo tsini nae, mulandu, ndo vha vhudza, “Hu do vha na phosho i no do dzinginyisa shango.” Huno nda ri, “I do vha heneffo. Ndi A RALO MA AMBA MURENA.” Zwi kha dzitheiphi, dzitheiphi, dzitheiphi, u bva ngei Phoenix ndilani yothe u mona. “Ndi A RALO MA AMBA MURENA.”

¹⁴⁹ Linwe duvha, ndo ima heneffo, ndi tshi khou thathela zwidavhula, kana zwidavhula u bva milenzheni yanga, vhunga zwe zwa vha zwi zwone; heneffo he Vharunwa vha sumbe vha fhira hone u bva kha lutombo huno vha dzinginyisa fhethu, u swika, matombo, a tshi lemela phaundu dza fuñhanu kana furathi, o kungulutshela phasi muvhunduni. Heneffo ho ima Vharunwa vha sumbe vho ima heneffo, vha laedza uri ndi humele murahu na u disa heyi Milaedza, huno vha ri, “Nga muthihi nga muthihi” vho vha vha tshi do tangana huno vha amba zwe zwa bvelela.” Huno two ita kokotolo nga iyo ndila. Huno musi vha tshi gonya ntha ngei Ntha, nga u ralo, vha ya maela dza furaru ntha tuyani; huno, nga duvha lithihi, vho

dzhia tshifanyiso Tshalo, saintsi yo ralo, huno vha tshimbila u mona na shango. Ndi vhutolo, fhedzi ho vha hu Ambadzifhele. Yo mbofha lwo khwathahó kha Yesu Kristo, u pomba vhutshilo hanga Khae. Ndi a zwi dívhya uri zwo vhonala sa zwi so ngo doweleyaho. Zwo dzulela u ralo.

¹⁵⁰ Ho vha hu vhutolo kha Paulo, u ḥangana na Yesu ndilani ya u ya Damaseka. Ndi vhutolo musi Mudzimu a tshi shandukisa mutswu, mbilu ya muitazwivhi nahone a i ḥanzwa tya vha tshena kha Malofha A Ene munę. Ndi vhutolo. Zwo tou ralo. Ni a tenda kha vhutolo? Huno uvho vhutolo, arali vhu tshi ya nga Ipfi ḥa Mudzimu, vhu nga vha ambadzifhele yanu. Tshandukiso ya Paulo o vha i vhutolo, huno ya vha ambadzifhele yawe.

¹⁵¹ Elelwani hafha, tshińwe tshifhinga tsho fhiraho, ndo vha ndo dzula na murengisa philiśi wa kale, huno ro vha ri tshi khou amba fhethu hułuku. A ri, “Mukomana Branham, ndi ḥoda u ni vhudzisa tshińwe tshithu.” Huno o vha e Mubaphuthisi, ene munę. A ri, “Naa o ya tenda kha vhutolo?”

Nda ri, “Ngoho. Zwa vhukuma ndi a ralo.”

¹⁵² Ha pfi, “Ndi nga si vhudze muńwe muthu-vho nga nnđa ha iwe,” ha pfi, “fhedzi ndi—ndi a dívhya uri u a tenda izwi.”

¹⁵³ A ri, “Nga tshifhinga tsha mutsiko,” ha pfi, “vho do tea u vha na nzudzanyo, i bvaho shangoni ḥa ndeme, u wanela vhalwadze mushonga.” Huno a ri, “Lińwe duvha, ndo vha ndo dzula murahu hafha kha vhengèle ḥa mishonga.” Ha pfi, “Murwa wanga o vha o lindela vharengi.” Huno ha pfi, “Ndo vhone mu—musadzi a tshi dzhena.” Ha pfi, “O vha . . . No vha ni tshi nga kona u vhone uri u khou yo vha mme nga u ḥavhanya.” Huno ha pfi, “Tshithu tshiṭuku a tsho ngo kona u ima. Huno munna wawe o ambara lwa vhushai, vhuvhili havho. Huno a gogodela nga sia ḥa khaunthara. Huno a ya nga hangei huno a vhudzisa murwa wanga, a ri, ‘Ndi na ndayamushonga hafha i bvaho ha dokotela.’ A ri, ‘Naa ni ḥo nnđadzela yone huno na ntendela nda isa mufumakadzi wanga hayani?’ A ri, ‘Ndo lingedza u mu litsha a ima kha uyo muduba. Itanu lavhelesa fhasi tshiṭaraṭani heneffo,’ a ri, ‘zwi do vha awara nña kana ḥthanu.’ Huno ha pfi, ‘Ha koni u ima zwino, ni nga kona u vhone.’”

¹⁵⁴ Huno muthu muswa a ri, “Mune wanga, ndi—ndi nga si kone u ita hezwo.” A ri, “Ndi do tea u vha mulevho u thoma,” ha pfi, “ngauri ndi—ndi nga si kone u ita hezwo. Zwi tou lwa na milayo.” Huno ha pfi . . .

¹⁵⁵ Khotsi awe vha ri vho vha vho dzula murahu hangei vha tshi khou thetshelesa, u vhone zwe mutukana a amba. Huno a ri, “Lwa tshifhinganyana fhedzi, murwa. Naa izwo ndi mini?”

¹⁵⁶ Huno a ri a yela heneffo n̄tha. Huno mukalaha, Mukriste wa vhukuma, munna o aluwaho o khethefhadzwaho zwa vhukuma, a ri, “Naa ndi mini, mukomana wanga wavhudji?”

¹⁵⁷ Huno a ri, “Muñe wanga,” a ri, “Nñe ndi... mufumakadzi wanga, o tou lugela ü—ü—ü vhofholowa.” A ri, “Ndi—ndi nñe... Ndi na ndaelo i bvaho ha dokotela fhano; muñwe mushonga, u fanela u vha nawo zwa zwino.” Huno ha pfi, “Nda—nda mu isa ngei lufherani.” Huno ha pfi, “Ndi—ndi... Sedzani uyu muduba,” ha pfi, “Ndi a timatima uri kana ndi do dzhena, masiari ano.” Ha pfi, “Ndi tou mangala arali—arali ni tshi nga kona u nndadzela izwi?” Ha pfi, “Ndi do—ndi do ima heneffho fhasi; ndi do—ndi do wana tshelede u itela inwi, oda ine muvhundu wa badela.”

¹⁵⁸ “Malandu,” a ri, “zwa vhukuma, muñe wanga, ndi do u wanelo yone.” Huno a sokou vhea oda fhasi, huno a humela murahu. A ri mutukana wawe o humela murahu huno a thoma u lindela muñwe muthu-vho.

¹⁵⁹ Ha pfi, “Mufumakadzi muñku o sedza nnđa, luvhili kana luraru. O tou ima heneffho, huno biko khofheni hawe, o ñivha uri u a lwala nga maanda. Huno mukomana o ima heneffho na zwanda zwave two mu ñuvhatedza, ni a ñivha, a tshi ri, ‘Itanu farelela, mufunwa, zwino zwiñukunyana.’ A ri, ‘Ene ramishonga u khou ya u ri wanelo muñwe mushonga.’”

¹⁶⁰ A ri, “Ndo lugisa mushonga nga u ḥavhanya u ya nga he nda kona, huno nda dadza ndayamushonga yanga.” Huno ha pfi, “Musi ndi tshi thoma u i ñekedza tshandani tshawe,” a ri, “Mukomana Branham, ndo sedza huno ndo vha ndi tshi khou zwi vhea tshandani tsha mabuli a zwipikiri.” A ri, “Ndo vhona mipfa kha tsie Dzawe.” A ri, “Nda bonya maño anga, huno nda sedza murahu.” A ri, “Ndo zwi limuwa zwenezwo, u swika hune nda ita kha ‘vhañku vha havha vhañku Vhangha,’ two itelwa Ene.”

¹⁶¹ Ha pfi, “Naa izwo ni a zwi tenda?”

Nda ri, “Nga mbilu yanga yothe, dokotela, ndi tenda ipfi liñwe na liñwe lało.”

¹⁶² Naa ndi mini? A ri, “U bva zwenezwo, Kristo o vha zwinzhi kha nñe. Ngauri, u ita izwo u itela uyo musadzi,” a ri, “ho vha hu vhüñolo. A hu na u timatima uri vhathu zwavho vha nga si zwi tende, fhedzi,” a ri, “Ndo elekanya, itou ni zwi vhudza ene, ngauri ndi a zwi ñivha uri no vha na idzo tshenzhemo.”

Nda ri, “Ee, muñe wanga. Izwo ndi zwone,” nda ralo.

¹⁶³ Ndi a elelwa, musi, Martin Mukhethwa, a tshi khou vhala nga hae. Musi o vha a tshi tou vha mu—mutukana, o vhidzwa nga Mudzimu. Vhathu vhawo vha vhe vhahedeni. Huno khotsi awe vho vha—vho vha vha tshi nga, oo, a thi ñivhi, ndi elekanya munna wa mmbi, huno—huno ndi pfanelo uri vhatukana vhavho vha vha tevhele. A ri... liñwe ñuvha ndi tshi khou fhira doroboni heneffho. Ndo hangwa uri ho vha hu gai zwino. Huno ndi elekanya uri o vha a munna wa Mufura. Huno a ri o vha a tshi khou fhira vhukati; ho vha hu na mukalaha o edela heneffho, a tshi khou xwatuwa lwa u isa lufuni, mutsho u

rotholaho nga maanda. Huno vhathu vha fhira, a vho ngo mu nea tshithu. Huno a ri o ima. Huno vhathu zwa vhukumakuma vho vha vha tshi khou bula uri ndi vhatendi, nahone vha do fhira, a tendela mukalaha u edela heneffo. Huno o vha a tshi khou humbela tshiñwe tshithu uri tshi mu vhofhe, a ri o vha a tshi khou xwatuwa lwa u isa lufuni.

¹⁶⁴ Huno Mukhethwa Martin a ya nga heneffo, phanda tshanduko yawe, zwino, a dzhiya mbadzhi yawe, a tshi vha swole, a i tumula ya vha zwipiða zwivhili huno a putela wa kale ngayo nga u ralo, a vhea tshiñwe u mona nae. Vhathu vha mu sea, vha ri, "Swole li vthonalaho li sa divhalekani, lo ambara badzhi ya hafu." Ni a vhona, zwi ni ita uri ni ite zwithu nga ndila i kanukisaho. Ho vha hu na tshiñwe tshithu khae, tshe a tenda uri ho vha hu na Mudzimu.

¹⁶⁵ Uvho vhusiku, nga murahu ha musi o no humela murahu huno a edela lwa tshikhathinyana, a vuwa. Muñwe muthu a mu vusa, huno a sedza. Ndo ima heneffo tsini na mmbete wawe, huno heneffo ho vha ho ima Yesu o putelwa nga tshiñwe tshipiða tsha badzhi. Uho ho vha hu u ranga ha Martin Mukhethwa.

¹⁶⁶ Naa ho vha hu mini? O vha e na ambadzifhele, ya uri Ipfi la Mudzimu ndi ngoho. "Zwine na ita kha havha vhañuku Vhangá, ni zwi itela Nne." Mukomana, ndo vhofhelelwa kha iyo Ambadzifhele. Huno ndi a ñivha uri muñwe na muñwe wañu . . .

¹⁶⁷ Vhudzuloni ha u vha na mbidzo ya alitari, matsheloni ano, ndi elekanya uri ndi do takalela u vha na mbidzo ya u dikumedza. Kha ri dikumedzele kha iyi Ambadzifhele. Naa ni a tenda uri Ipfi ndi Ambadzifhele ya Mudzimu? Naa ni a tenda uri U kha di vha muthihi ñamusi we A vhuya a vha ene?

¹⁶⁸ Hu na vhashumeli ngomu hafha, naa a ni nga takaleli u kumedza matshilo aña, fhedzi, itonu dzhia Ambadzifhele? Naa ri ñoda mini ñamusi? Naa ri ñodani nga garata ya vhutama kana ndalukanyo? Ri ñoda Yesu Kristo. A ro ngo vhofhelelwa kha garaata ya vhuñama. Ro vhofhelelwa kha Ipfi la Mudzimu, "Yesu Kristo a sa shänduki mulovha, ñamusi, na lini na lini." Naa izwo ni a zwi tenda?

¹⁶⁹ Kha ri tou ima nga milenzhe yashu zwino huno ri ñinekedze matshilo ashu. Ndi ñoda yanga, na yone. Ndi khou ñivhofha, nga huswa. Ndi khou sedza mbofho yanga, ludzi lwo vhofhiwa. Ndi khou sedza ambadzifhele yanga. "Murena, arali hu na tshiñwe tshithu kha nne, nga nnđa ha Ipfi Lau, tshi bvise. A thi ñivha tshiñwe tshithu-vho nga nnđa ha Iwe. A thi ñodi u ñivha tshiñwe tshithu-vho nga nnđa ha Iwe." Zwino, muñwe na muñwe, nga ndila ya inwi mune.

¹⁷⁰ Ndo vha ndi tshi khou amba na inwi vhege yoþhe. Ndo ni vhudza Ngoho. Mudzimu o khwañhiséza Ngoho. O zwi ita hafhu na hafhu, na hafhu. Ni a ñivha zwine Ambadzifhele ya vha zwone. Zwino kha inwi na nñe, noþhe, vhoinwi vhasadzi

noṭhe, vhoinwi vhanna vhoṭhe, vhatukana, vhasidzana, tshiňwe na tshiňwe tshine na vha tshone, kha ri; khwairi yanu yoṭhe, vhanu—vhanu vhathu vhoṭhe n̄tha hafha, huňwe nā huňwe, vhoṭhe; fhasi kha basimennde, n̄tha kha balikhoni, u mona na dzimbondo, murahu kha lufhafha; huňwe na huňwe hune ra vha hone, kha ri dzhie Yesu, Ambadzifhele yashu, ngauri ri tea u da miedzini ya murunzi wa lufu. A thi divhi tshiňwe tshithu-vho nga nn̄da ha Ene. Ndi ene Ambadzifhele wanga, ngauri O vusiwa vhutshiloni hanga huno ndi a ḫivha uri Ndi wa vhukuma.

¹⁷¹ Kha ri imisele zwanda zwashu n̄tha zwino huno ri rabele. Kha ri ite tshumelo yashu ya u ḫikumedza.

¹⁷² Murena Yesu, Ipfi Lau li bva kha ya kale, ndi u ranga na magumo. N̄ne zwino, na itshi tshivhidzo, ndi a ḫikumedza, nga husus, kha iyi phuluphithi namusi. Ndi humbelela itshi tshivhidzo, Life Tabernacle, u itela u ḫinekedza. Dzudzanyani phambano dzoṭhe, irini zweṭhe zwi ṭuwe, zwa kale zwi vhe zwa kale. Vhashumeli vha Mafhungo-madifha, vho vhila elaho... huno vho elekanya uri tshiňwe tshithu tshi do itea. O Mudzimu, ri a ḫivhofhekanya, matsheloni ano, kha Yesu Kristo Ipfi; huno na ḫivhudza u sa ḫivha tshiňwe tshithu fhedzi Kritso, huno Ene o vhambiwa. O Naledzi ya Devhula, O Muya Mukhethwa, O khaphasi ya Mudzimu, iđa zwino kha mbilu iñwe na iñwe. Huno ri a ḫikumedza kha Iwe, nga kha Dzina la Yesu Kristo. Vhugala kha Mudzimu! Amen.

Zwo luga, mukomana.



YONE AMBADZIFHELE TSV63-1201M
(An Absolute)

Hoyu Mulaedza nga Mukomana William Marrion Branham, u rangani wo ḥnewa nga Tshiisimane nga matsheloni a Swondaha, Nyendavhusiku 1, 1963, ngei Thaberenakeṇeni ya Life fhaļa Shreveport, Louisiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ṭhalutshedzo ya Tshivenda yo gandiswa huno ya phaqladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org